

草堂雅集卷之八

陸德源

字靜遠吳郡人甫里先生之後好學博古尊敬
師友雖貧贍力給謙恭若出諸生之下憤甫里
之學不傳遂作甫里書院于城南撥良田以給
生徒有司聞其事遂命其長是院後陞徽城教
官以疾終家有杞菊軒吳人稱為杞菊先生云

送徽紙昌園梅且索和

玉山草堂雅集卷之八

陸德源

玉山顧

瑛類編

玉山草堂雅集卷之八

玉山草堂雅集卷之八

顧陸從來同里閨定交何必要通名
桃花流水二月三月着我扁舟聽雨聲

玉色疇能比硬黃酸辛敢擬出青房
品題奕、歸年少慚愧華顛作漫郎

玉山謝紙曰蜀郡金花新着樣
剡溪玉版舊齊名荷君寄我黔川雪
猶帶漣漪瀉月聲

又謝蜜梅曰江南烟雨未全黃
誰使青酸墮蜜房
媵媚已能知魏詎典刑時復見中郎

和題新安梅花次韻

東風一夜渡江新
開徧梅花照眼勻
何遜從來有才思
題詩不待廣陵春

送陳敬初秀才之北上

江南八月鴻雁飛
故人挾策遊京師
為郎作傳雖可期
老懷與爾寧分違
憶昨同舟風雨夕
胥江委蛇嚴灘白
紫陽之山千里隔
何曾笑我微官縛歸來
吳城口半年攬裙結
佩仍周旋陳膠漆
非偶然拍肩笑語忘
其顛秋風蕭、吹去舟
征衣蓐食還依劉
芙蓉照波生遠愁
欲別未別難為留
玉堂

金闕有耆舊草詔紬書常在手乘時薦剡如轉丸
兀、兔園非所守子之行兮良不苟

張舜咨

字師夔錢塘人由行省宣使調休寧簿居官有
能稱政事之暇焚香閉閣哦詩對卷翛然無塵
想修潔可知也

送子庭柏上人東歸

賀公吳語尚清狂上疏黃冠乞故鄉栢也東歸何
所有畫圖詩卷滿奚囊

寄玉山索蘭花

許我猗蘭葉有光報君墨竹節尤蒼
峯下清閟幽香道味長

題竹

萬里高風不自由琅玕掀舞一天秋何人笙鶴歸
來晚縹緲仙城十二樓

右風

雨重篔簹翠葆寒
揜陰野色與檀欒
結根崖谷專清閟
似散人間道路難

右雨

土地肥磽自不齊
蒼岩瘦石故相宜
繁華坐見成

秋苑獨立空山閱歲時

右老

芸綠生香石有文駢頭下見錦綉
孫夢中彷彿東橋路沽酒人家小角門

右嫩

次李士兼韻東玉山

書樓槩几石嶄然晴雪飛來太華顛
墨本秘函枯樹賦牙籤插架白雲篇
清心求友先同調華髮逢人恥問年
共惜分陰珍雅翫封侯擬不到鳶肩

用韻寫栢子庭卷

之子庭前栢含暉蓄景光託根當太白
何口得雌

黃大道從行食深禪坐亦忘自憐塵
鞅客擾

蜂房

業患未能精何慚人不稱心游大無外
自是小乘僧詩壘猶酣戰塵言亦寤應
曇摩今始識盡思欲加增

玉山詩曰虛舟元不繫湖海至今稱
悟得庭前栢方為物外僧空々無我相
落々有誰應自向東山住東山氣倍增

明海歌贈寶明海

玉山草堂雅集卷之八

張舜咨

大明麗天雲海空搏桑倒景三韓東八紘旁礪俯
仰內禹境膏沐鴻蒙中梵宮高標跨溟渤岳嶝香
絕烟霏濛時、雲氣趨羣龍、君夜出流光從道
人深禪入水觀要探衆寶馮夷宮手書貝葉映金
碧身翳雨花紛翠紅君不見俗緣千劫塵網蒙鏡
象不離生龜筒又如磨牛履陳迹究竟彼岸無終
窮人心至善奧冥通尚需法語開盲聾便從六紙
逃癡蜂冷然空飛御天風

寄廣西白

歸思迢、不奈何寄語珍重病維摩風帆明日春
江上回首蒼山綠樹多
寶塔從空舍利光風鈴和夢度春江遙知西老聞
鐘處木末鳥啼月到窓

題新安方丈梅花

新安堂上梅花新南枝北枝開未勻渠儂切莫訝
渠瘦中藏萬斛江南春

熊夢祥

字自得江西人博讀羣書旁通音律能作數體

書乘興寫山水尤清古無庸工俗狀以茂才舉
教官不樂拘制輒棄去以詩酒放浪淮浙間卜
居婁江上扁得月樓與予為忘年交曠達之士
也號松雲道人

題管夫人竹

夫人寫竹何縱橫錯刀離光恠生安得月明招
白鳳玉欄西畔聽秋聲

題二色芙蓉便面

曾障西風十二欄亭、醉醒碧波寒月邊青鳥無

消息流落人間作畫看

題趙子昂蘭石

汎晴湍兮潺湲乘芳馨兮嬋娟望九嶷兮眇、思
公子兮未敢言

趙翰林苑花馬圖

風翻細雨入天閑貌得權奇電影寒鳳閣春深人
已遠空餘精彩匹曾韓

題李息齋竹

薊丘道人寫瀟湘烟寒兔啣石齒蒼素娥剪翠雲

葉亂三十六陂春水香

題邊伯京畫盤松圖

居震宮受秦封乘元氣超穹窿又何獨羨夫梁棟
之質莫測夫神奇變化之功夫然後知其為松龍

題栢子庭枯木

鐵珊瑚樹飛鬼蝶王子傲鳥不許躡乞與海神
不收湧樹雪晴光曄：何人潑墨淡復濃使我一
見成心獵便令退縱未西前無孔笛中宮徵叶

題張叔厚描琵琶士女

剪燭填詞明皓齒是非恩愛從茲始莫將貶竄立
人倫世上伊誰魯男子

題畫山礬

傍路依山到處生只今樵牧慣相輕若教塵俗如
桃李未必梅花肯作兄

題王元章梅

紫禁春醲雪未消年：香冷只飄飄許身入畫酬
清賞不嫁東風過小橋

客懷奉柬玉山

我昔離家七月強只今十月隕清霜可慚濁酒黃
花興應悔青燈白髮長翠袖天寒修竹暗綺窓日
暖唾茸香夜長枕上揚州夢江北江南是故鄉
玉山戲荅詩曰秋水藍橋一尺強愁聞玉杵搗
玄霜東籬老子烏紗薄西郭佳人翠袖長古寺
竹深禪榻靜晴牕花落硯池香西風鶴背三更
夢笑看瓊花作醉鄉

題王元章畫梅花

水影晴光為寫神當時已是失天真一從殘角吹

新曲幾向寒谿覓故人縞袂歸來猶有月佩環飛
去更無塵莫言醉魄空離落信把和羹屬大臣
趙奕

字仲光吳興人魏國文敏公仲子作詩為文翰
墨游藝皆有家法尤好古雅不事進取與予特
友善相去雖數百里必一月一致書其天資秀
雅如芝蘭玉樹王謝佳子弟也

玉山與知九成自姑蘇來吳興僧可傳邀予
陪遊弁山之黃龍洞時有紫霞同席遂分韻

得花字

盤屈度碕磯，嵌崖復嶮呀。龍居潛石洞，花暖報蜂衙。
峭壁生蒼蘚，清泉長赤砂。松濤響雲壑，竹翠滴
菹花。杖屨身梯險，籃輿綠磴遮。攀藤嘯猿狖，並草
卧麕麇。絕頂望笠澤，傾湏想女媧。遙天連島嶼，遠
水接蕪葭。道士來邀坐，仙童為煮茶。林深多虎跡，
地僻少人家。對景詩情口，尋芝道氣遐。窓幽塵不
到，境勝興無涯。堪種茅山木，宜栽邵圃瓜。寶書傳
正法，靈劍掛青蛇。逕滑崎尤峻，苔荒突又窪。淙淙
流暗澗，聒聒叫鳴蛙。下嶺日欲落，登舟路更賒。平
田飛鷺白，別墅宿歸鷗。犬吠柴門近，鶻啼野樹斜。
菜畦黃撲簌，麥壠碧交加。老態倦跋涉，衰形獨歎嗟。
山翁荷鋤鍾村婦，倚籬筇駐舫。携紅袖，停杯挾
紫霞。金爐熏蕙穉，玉手弄琵琶。錯落傾香釀，玻璃
挿醴葩。歌姬聲縹緲，醉客笑諠譁。擊柝城將閉，吹
笳鼓尚撾。卷簾風滅燭，濕幔雨垂麻。今日雖云樂，
他年還共誇。更聞歸去速，燈影照籠紗。

雨牕寫懷

幽窗談笑話平生三十年間幾度更白髮滿頭今
已老青山排闥故多情桃花灼灼應無語春雨蕭
、尚未晴明日扁舟携好酒南村笋蕨正堪烹

春日書懷

忙裏過韶華東風日易斜黃梁應未熟白酒尚堪
賒蝶魄迷幽夢蛛絲絆落花百年能有幾隨分度
生涯

送聞梅澗住弁山祥應宮

石磴懸崖人迹稀林深地僻絕塵機井邊丹竈千

年冷窓外山雲盡日飛老虎每來廊下走黃龍常
向洞中歸先生有道開門坐松響瑤笙月滿衣

潘純

字子素淮西人世儒業博學通古今善談笑作
詩為文迥出流輩壯遊京師名公大人無不與
交晚居淮淞間名重一時云

題周公瑾墓

伯符早世將軍死鄴下羣臣賀魏公石馬荒涼眠
道左紫髯倉卒帝江東二喬信是傾城色甲第空

規建業宮百尺孤墳蓋春草遠林寒食紙錢風

山行即事

石子路三义居人八九家綠分隣寺竹紅出矮墻
花野老能娛客山泉自煮茶茜裙誰是子赤脚髻
雙丫

題岳武穆王墳二首

海門寒日澹無暉偃月堂深晝漏稀萬竈貌貅江
上老兩宮環珮夢中歸內園羯鼓催花發小殿珠
簾看雪飛不道帳前胡旋舞有人行酒着青衣

湖水春来自綠波空林人迹少經過夜寒石馬嘶
風雨日落山精泣薜蘿江左長城真自壞鄴中明
月竟誰歌唯餘滿地萋苴草色年深碧更多

送顧仲父赴廣東市舶提舉

合浦明珠久不還使君風采動羣蠻鮫人把臂來
城裏荔子堆紅出坐間江映蕉花鸚鵡綠雨昏榕
樹鷓鴣斑昔年駿馬經行處父老那知得重攀

題蘇伯修滋溪書堂

華屋書充棟清溪樹拂簷波光浮藻井雲影亂牙

籤四世風流在諸生禮數嚴歸來謝賓客長日下
踈簾

題伯修春風亭

青陽動微和條々原上來綠池解輕冰芳庭散香
埃粲々蕊李花照耀初日開永懷亭中人春服宜
新裁

送杜元父赴南臺掾

故國江山在行臺地望優顧瞻烏亦好却憶鳳曾
游寺影清溪曉蟬聲玉樹秋郎官多古意莫上窳

高樓

題豫章楊季子水北山房

舊聞楊季子水北有山房竹色長年綠松陰五月
涼雨絲深釣渚風帙散書床亦欲相從去江波不
可航

送金溪道士南歸

南州高士芟荷衣賣藥都門盡不知手種溪頭千
樹杏花開正是到家時

送諸葛子熙關中打碑

漢苑秦宮生綠蕪，斷碑殘刻墨模糊。
應從三峽浮船下，欲問君家八陣圖。

送路使張蒼麓又別號養晦

循國忠烈王諸孫

寂莫麒麟閣，浮沉鴈鷺行。
已聞書上考，猶不負前王。
古井宮槐冷，空山海檜長。
歸心似潮水，日向錢塘。

送杭州經歷李全初代歸

東家老人語，且悲哀。
年却憶垂髫時，王師百萬若過客。
青蓋夜出，民不知巷南巷北。
癡兒女把臂牽。

衣學番語，高樓急管，酒旗風小。
院新聲杏花雨，北來官長能相憐。
民間蛺蝶飛青錢，黃金白壁，馱西馬明珠紫貝輪。
南船繁華消歇，如翻掌，宮中賦歛年。
長里巷蕭條去，不歸華屋重門，結蛛網語中。
嗚咽不欲聞，道旁狼虎方紛紜。
麒麟鳳皇那復得，使我益重髯。
參軍在官近，一考素髮蕭蕭坐。
成老上官掣肘下，吏罵賴有閭閻，獨稱好杭州公事。
天下繁大才處，決無留難，參軍累官日益貴，何術可使斯民安。

桐華烟為吳國良賦

常聞吳剛上天去手斫嫦娥宮裏樹調向人間作
散仙陽羨州中水邊住曾見玉兔杵玄霜三生悟
得燒墨方墨成得錢即酤酒那知世有白玉堂百
年生計萬慮息身不求知名四集卧吹長笛看青
天歲掃桐烟三百石周郎昔斲長橋蛟腹中有白
疑為膏石床暖傾玉髓滑竹屋夜搥山月高江南
李墨人共惜安得今人不如昔君看鬱、歙州山
山上青松盡千尺

題顧周道畫濯足圖

脫屣白石上濯足清泉中悠然天際想木末生微
風

題高宗二劉妃圖

秋風落盡故宮槐江上芙蓉並蒂開留得君王不
歸去鳳皇山下起樓臺

題趙子固蕙花蛺蝶圖

江上青山日欲晡幽花小紙墨模糊華清宮殿生
秋草零落滕王蛺蝶圖

題王若水幽禽圖

花間幽鳥愛幽棲
揀得春風最好枝
只有江南王若水
白頭描寫似徐熙

贈歌者杜氏入道

夜涼瑤珮玉丁東
月下焚香禮碧空
願逐吹笙王子晉
並騎丹鳳彩雲中

簾壓濃寒畫掩門
沉香火暖淡氤氳
舊時衫子渾無用
剪作仙家百衲裙

雲髻高梳髻不分
掃除虛室事元君
新糊白紙屏

風上盡畫蓬萊五色雲

秋日陪杜徵君李先生遊華山

輕雲淡抹色涼日
靜琳宮水落白石上
人行深樹中
悠々坐長嘯
肅々來清風
仙人不可見
芳草碧

叢

題中子山居

僧舍

清江抱禪栖
山頂在屋下
朝霞生庭戶
老樹立石罅
日出漁舟集
日入市賈罷
僧子獨何為
長年事閒暇

送海東之西省出戍

窮猿憑險弄干戈五月樓船奏凱歌自古蠻夷多
反側只今州縣重差科漢家循吏文翁少亮府謀
臣馬謖多莫道蛟人居水底海中曾見不揚波

題劉高州國初運糧文卷後

帝室經營始高州饋餉多猶存數紙在已足百年
過勲業麒麟閣英雄勅勒歌漢廷功第一只合數
蕭何
姚文奐

字子章崑山人聰敏好學過目即成誦博涉經
史縉紳先生咸加推重辟浙東帥閫掾雖公事
旁午不廢吟咏把酒論詩意氣豁如每過予草
堂必有新作多為錄出家有書聲齋野航亭自

號婁東生云

書聲齋閣韻得長字

昔我去西齋含悽逐飄蕩今我歸西齋觸晴集遐
想氣節忽變遷宇宙一俯仰我書時復讀我琴久
絕響凱風自南來戶庭颯以爽搔首佇良朋於焉

共清賞惟將酒洽浹愁與病滌盪慨彼岐路人行
屐幾緲豈不念厥初胡為絀塵鞅永懷柴桑翁
度其觸類長

茅山

溪雲護芝田山雨清菌閣中有學仙人吹簫待鸞
鶴

吳仲圭画折枝竹

鳳去梁王宅苔荒習氏池阿誰風雨裏見得翠蛾
眉

婁東園分韻得四字

至正八年夏六月日踰四故人海上來朋遊若雲
萃置酒婁東園清陰障囂滓談鋒落秋霜炎飈變
涼思盤飧雜蔬果令舉飛觴至豈無絲與竹相与
樂文字西亭與野航於焉得晚蒞新題到畫壁州
木亦葱翠浮生一萍流驩會良未易載歌秋水篇
周還緩歸轡

招飲

高君自家會招此真率賓昔人酒令圖一行當一

新少烏日卓午飛馬
秋風塵國色明皓齒
天香墮舞裊祇愁草
茅士形穢珠玉濱

題張戡瘦馬圖

稜下出神骨翼、照龍
光顧影時思戰長鳴
勢欲驤征鞍跨兒女
遠道負餽糧歸到龍
沙日秋風首荷長

秋日燕古塘蘭若分韻得入字

秋日上闌干秋風下原隰
萍流三十年豈不念鄉
邑歸來南山下故壑謀
稍葺一榻借招提松光
照

書籍口口有口口良朋
偶雲集解襟納新涼開
樽

攬芳裛起處適自如獻
酬不拜揖于時發清豪
分

韻紀雅什樂哉固無涯
所貴相講習西林趣鳴
禽

翳景將入

題西園雅集圖

宋家全盛日戚里肅高
風四海寸華萃西園爽
氣濃衣冠名教異興趣
一時同雅好隨賓客風
流見主翁珍藏出古物
能事競新功離席高談
永行厨異味重臺池迷
遠近杖屨任西東竹色
仍多碧蕉

花也自紅文章闕世道富貴感秋蓬良會難為數
清懽未易窮蘭亭被禊事金谷綺羅叢回首俱陳
迹君看面盡中興

題倪元鎮雲林圖

昔從雲林遊靈光散霞外迴薄萬古情逍遙五噫
態臨流以濯纓息陰為解帶浩歌激清高參連

天籟

和韻

天清望不極逸興晚來多新月弦初上秋華酒半

酌水光搖玉塵山色舞金鵝坐久衣裳冷移舟向
礧阿

書聲齋即事

書聲齋底有新涼行李抵詩上夜航月色滿襟隨
我去秋花如玉為誰香十年客路知今日百里胥
門尚故鄉朝野太平沾寸祿不愁白首未為郎

題岳王墓

旌忠函骨北山根一過西湖一斷魂獨掃金人歸
朔漠長驅錢馬到中原奸邪百代空遺臭父子終

天尚雪寬墓木屯陰森戰戟蕭蕭風雨泣黃昏

次韵

索居郭外景蕭疎况是秋風落木初少出不知今
日事老來猶讀古人書題詩遠寄何煩爾載酒相
過每憶渠見說汾陽多貴客問誰得似馬相如

題高宗詩意便面

畫裡山河尺五天傷心莫說靖康年迢迢古木連
雲色何處思陵起暮烟
題章氏園亭四首

種德堂

春風堂下流芳地種穀何如種德宜會見青雙
玉樹百年無數長孫枝

水心亭

卜築中流便翼然窓開向日見清泉微風澹沲生
文采如坐米家書畫船

壺中堂

身在蓬瀛亦醉鄉清水出壑置高堂誰知天上風
雲闕不似人間日月長

玉山草堂雅集卷之八姚文奐

江山清氣亭
卜宅龍江第一灣天
闕兀突見南山琴書
口口口口口尚看漁
樵自往送

明遠樓
水光山色照簾櫳極
目秋毫回碧空身世
凌空欲飛動何人口
付長風

三三三

口口亭下花如錦野
蝶山蜂侶不知獨把
一杯芳晝永美人聽
我唱楊枝三首依四庫
本補

晚香亭

百花開盡菊盈枝
三徑歸來酒滿卮
老圃秋容清馥
西亭宜客賦新詩

題馮文仲西秋亭楚望

黃葉蕭蕭聲似雨
西風夜作離人語
秣亭野色滿

江南誰搗玄霜千萬杵

題虞瑞巖描水仙花

離思如雲賦洛神
花容婀娜玉生春
凌波襪冷香

魂遠環珮珊
月色新

題書扇圖

蘭亭墨本摩挲盡
老我愁書吐
空一自戴山題

扇後千年誰復寄清風

題畫雞冠花

何處一聲天下白
霜華晚拂絳雲冠
五陵鬪罷歸

來後獨立秋亭血未乾

竹枝詞

儂家只在斷橋邊
勸郎莫切下湖船
湖船無舵難

輕托白日風波在眼前

玉山草堂雅集卷之八

姚文奐

晚涼船過柳州東
荷花香裏偶相逢
剝將蓮肉猜拳子
玉手雙開不賭空

冰肌玉骨自清涼
藕花十里錦雲鄉
一朵紅衣初脫卸
那將蓮子打鴛鴦

家住西湖第四橋
自從牛角學吹簫
年來愁得兩鬢雪
吹盡春風那得消

月伯明講經典
玉山各賦絕句以寄

玉口飛空過洞庭
西山不改舊時青
短長橋下風雨夜
知是老龍來聽經

月口影散浮園栢風送
將開智慧花口約清秋
口口口口口口口列異
割依四庫本補

玉山賦詩曰織月微
轉石床紺宮秋夜看新
涼雨花不許一塵染
吹作滿天風露香

張簡

又詩曰江納潮音秋浩
空涵月色夜冥香
隨花雨天分供光發寶
珠龍聽經依四庫本補

字仲簡姑蘇人讀書知古今
寄迹老子法作詩談雅有陶韋
風翰墨無俗氣而暗合書法
隱居鴻山凡經吳中雖少會面
必寫詩由鐵崖寄焉

玉笙引

我嘗躡輕鴻浮空度
瑤闕醉看碧桃花
吹笙弄明月仙人玉喬
董夔成為作春水流
花聲崑崙十三

鳳飛舞相和鳴曲終飄然上鶴去逸韻散落天風
清自從失脚墮塵世歸夢尚繚芙蓉城浮丘公今
不見白玉龜臺走雷電雲和妙曲杳無聞萬壑松
風洗清怨

醉樵歌

饒介之分守吳中自號醉樵延諸文士作歌仲
簡詩擅場居省贈黃金一餅

東吳市中逢醉樵缺冠歌側髮飄蕭兩肩矻何
所負青松一枝懸酒瓢自言華蓋峰頭住足跡踏

徧人間路學書學劍總不成惟有飲酒得真趣管
樂本是王霸才松喬自有烟霞具手持崑崗白玉
斧曾向月裡斫桂樹月裏仙人不我嗔特令下飲
洞庭春興來一吸海水盡却把珊瑚樵作薪醒時
邂逅逢王質石上看棋黃鵠立斧柯爛盡不成仙
不如一醉三千日子今老矣名空在處題詩償
酒債淋漓醉墨落人間夜々風雷起光怪

春日齋居書事

垂簾覺春靜水檻幽情多蘭香舞雙蝶綠水浮群

鵝激、晴雲度輝、野氣和新柳帶長坂飛花汎
輕波間居違佳景芳事俱凋訛忽、已初夏綠暗
青山阿

初夏偶成

清風度虛閣飛花集羅幃方欣晝晷永不覺春光
歸鳴琴發逸響嘉樹含清輝幽情多默悟澹景寧
相違覽書感虛寂獨閉南齋扉

次韻落日墟上晚眺

荒墟屬晚眺日暮烟華消落花散芳渚孤雲度晴

霄感物微情切懷人幽思遙辛夷花未發難寄家
長條

題趙彥徵畫

吳興佳山水遠近蓄清光岩窈金蓋峰秀色獨蒼
、烟雲互出沒草木生風香長橋接迴溪積石倚
崇岡樵漁識徑幽於以樂深歲擊鮮列魴鯉啟翳
理松篁晨雨况可鉏春泉亦堪湘既已長孫子所
願安是鄉嗟哉風塵中何由得尚羊趙君鍾初秀
揮洒發奇章卷圖思舊游掩抑不能忘

送徐教授曉山歸武林

三年言子邑寂莫鼓鳴琴官舍冷如水杏花春滿
林化風敦薄俗清氣集虛襟歸去吳山下青：草
正深

次韻荅強仲瑞

花落紅雲島風生白玉題真人不出戶芳樹自成
蹊掃地雨初歇開簾鶯正啼此時不一見春思轉
萋迷

次韻范德原與倪元鎮城南倡訓之作

高士叩門方倚馬先生與客正爭棋也知溪上多
佳集亦到山中傳好詩滿地綠陰敷坐處隔林黃
鳥把杯時城南我欲相尋去買下扁舟恐後期

次韻寄鐵厓

錢笛先生老更迂摩空有賦擬相如奇文一變中
吳學太史猶編後世書絳帳風搖珠絡索水牕雲
沁玉蟾蜍小娃唱得新番曲多是芳亭春雨餘

次韻寄雲林

栖神之山雲雨齊雪消春水漲橫溪長松正與層

樓對高士還同獨鶴栖每見迂名嗤薄俗絕無塵
事惱清閨燕遊一月不歸去應愛竹林鶯亂啼

次韻范景逸立春日病中之作

歲暮西岑雪未晴范公祠下少人行探梅踏凍煩
丹使扶病迎春問麴生石竈茯苓和雪煮雲根流
水似冰清瓜田數畝春泥暖好課巖中子弟耕

次韻張田秀才見寄

樹杪青虫晴颺絲春城風物似年時貧餘許邁飡
金法閑有陶潛飲酒詩芳草青連野濶征鴻歷

歷度江遲長洲故苑烟花外千里懷人入夢思

破山礪上聽水

破山龍去雨初歇坐聽飛泉濺石岡萬壑風雷喧
地軸九煉雲露瀉天潢好從細草陳瑶席更趁飛
花送羽觴飲犢上流奔軼者何年來此結茅堂

送王子充之京師

鳳闕嵯峨北斗邊馬頭遙覲極風烟石林鑿河
流急入海茫茫帝宇連國子先生詢舊業白雲親
舍憶高年匡時正用平生學努力惟君髮尚玄

寄靈石張尊師

揚許遺經久不聞
能書只說華陽君
清修每自披靈笈
高卧因誰寫練裙
春晝雨晴山擁坐
秋空月皎雀成羣
何時太覓幽栖地
郁木坑頭禮白雲

和楊鐵厓小臨海

海靜不揚波
仙人鞚雀過靈峰
七十二何處月明多

扁舟下彭蠡
望見大君山
只道支機石
移來天漢間

歌按霓裳曲
分行舞廣庭
天壇看星斗
散亂若浮萍

海門棹取出
鯨吼浪花飛
孔翠排旂蓋
雲昏黃鶴磯

龍子丹砂鬣
金芒耀水盆
真人忽騎太
霹靂破天根

夜過洞庭曲
青山互作堆
仙人吹錢笛
白鶴自飛來

雨過積金頂
芙蓉萬朶青
神魚不飛去
風伏翠濤

腥

憶坐松根石相看說大還昆侖雲一朵喚作九華

山

仙花雲萬疊浩劫與春開却笑珊瑚樹焦枯作死

灰

海上三神嶠嘗看羽蓋飄玉虹三百丈噀氣結成

橋

寄阿山

最憶鳳雛年十四臨池愛學藻中郎西齋舊種櫻

苑樹今歲還應共汝長

遊石湖治平寺用唐人許渾所題詩韻

湖上春雲挾雨來楞伽山木盡低摧吳王廢塚花

如雪猶自吹香上舞臺

題雲林竹

笠澤莊頭道士家書窓風竹翠交加新梢便有凌

雲勢高出墻簷掃落花

瞿榮智

字慧夫嘉定人性嗜學明易憲府試辟後青龍

鎮學教諭多寓雲間雖與交遊而得其詩不多
焉

和義仲韻

莫恠清狂似謫仙乘涼遠過玉山前
劔簫夜連黃姑渚翠被風生越鄂船
雲樹亭臺全却暑蓉華簾幙半浮烟
賦詩刻燭良宵飲知是衣冠不乏賢

呈鐵厓先生東玉山隱君

老鐵仙人海上來海雲長日護樓臺
玉簫綵鳳時時下黃鶴珠簾面
開不逐蟾蜍歸月府却憑華

使過蓬萊見說武陵重有約一灣流水似天台

次韻呂養浩

客子頻煩尺素修江雲變態故生愁
山迴絕磴叅差樹花隱重城縹緲樓
雨裏未須秦望屐雪餘擬汎越溪舟
蒙郎古道多歸思桃李春情隔渡頭

十一月廿四日紹興作

秦望山頭雲氣生越王城下湖水平
梅花欲放不盡放雨色持晴還未晴
銅駝金谷非故里青杉白髮徒虛名
可憐百年已過半空嗟萬古難為情

盧彥志自台州候官至維揚

台州候吏揚州去驛馬回途一月期官寺偶分銀
燭坐客樓每恠玉杯遲山中苑樹仙人洞天下瓊
花后土祠盧彥此遊元不浪錦囊收得數篇詩

次韵監郡魯公

鏡裏湖光煖欲波客情惆悵不能過
蓉花簇簇開岩岫雪片飛起鶴鵝載酒小船輕若葦穿城夾
膝小如梭每因公事歸來晚無奈重樓月色何
祇合明時早掛弓謾勞車馬駐江東烟開溟海清

蠻蠻水滿平湖沒雁鴻星騎夜馳蓬閣下雲旗晴
卷石城中萬方應喜平羣寇當與汾陽並大功

次張句曲題揚鐵厓新屋詩韻

亭子高臨洗馬河亭前夜月動微波倚闌天上簫
聲發卷幔岩前樹色多未許韓家修五鳳欲造房
相賦羣鵝連城芳草遙相憶誰解玲瓏醉後歌

寄莊蒙泉

樓殿高低瞰海邊潮生靜看月流川秘函夜誦天
仙下香積晨齋繡佛前碧蓋團雲陰寂寂珠旒分

雪溜涓涓支郎絕愛山中景吟得篇詩與世傳

東熊松雲

西園無奈景純何陶寫新詩日漸多宜似蘭若飛
翡翠每嗟荆棘長銅駝日曛山崦收黃霧秋入江
風動白波復憶松雲老文學醉乘簫鳳首相遇

寄張伯雨

服食年深玉雪臞半簪華髮不成梳入山早棄人
間事閉屋獨修河上書丹火夜明雞犬宅劍光寒
辟斗牛壚假將一足鵝溪絹寫作玄洲舊隱居

黃文德

汴中人號尚文子讀書能文侍父為玉山縣教
官因錢洞雲游廬山歸故得詩于後云

寄玉山草堂

玄圃仙人吾未識聞說吳山種春色昨夜洞雲天
際來明月空齋坐相憶

自題曰予家汴中僑居閩之昭武甫官五溪適
洞雲錢居士過我得覲仲瑛揮玉詞翰兼美雖
未能識荆有不能忘情者賦二十八字附卷末

他日洞雲歸。淵當出此為。顧君一笑且以期。後會云。

贈錢洞雲

玉峰古洞多白雲。中有學道癯仙人。問言盡日說空有一朝興。入廬山。春香鑪峰高。虎溪遠石上秋深長。苔蘚白蓮不老秋。月明萬里浮雲自舒卷。

顧瑛詩曰。廬山五老香爐峯。紫烟縹緲青冥中。銀河光搖白蟬蛸。明湖影落金芙蓉。當時送客過溪處。至今古木號山風。遠公香火有遺社。白蓮墜露秋重。

鄭守仁

號蒙泉。天台黃岩人。幼着道士服。長遊京師。寓蓬萊坊之崇真宮。不事干謁。齋居萬松間。一夕大雪。填門。公讀書僵卧。自若。京師號為獨冷先生。至正間出主白鶴觀。

危太朴應奉壽

華蓋山前爽氣浮。瑞鍾人品竅清脩。汗青筆力齊班馬。太白神光煥斗牛。絳闕早朝香滿袖。玉堂夜

直月如鈎春風道上看紅藥政是斯文獨步秋

和劉遵道僉憲韻題開玄道院呈王真人

龜溪之上開玄館玉靈仙人別洞天金碧樓臺深
翠裡畫圖城郭淡烟邊飛花春晝霞千樹暖日東
風錦一川人在歸根亭上燕香飄外國羃林泉

送任生之松江從學

爾翁與我同兄弟廼父論交亦友生愧我江湖空
老大喜君頭角又崢嶸蚤看器識如劉晏還擬文
章似禰衡春雪一蓬波萬頃柳條青眼總離情

見杜清碧先生

有元至正喜隆平偃武修文尚老成特遣皇華傳
詔旨遠徵隱逸入神京草廬未許孔明卧莘野可
容伊尹畊好駕蒲輪對宣室毋虛前席問蒼生

鳳凰臺和李御史韻

夜深烽火東城鼓步絕金蓮春筍泥千載王風天
轉北六朝文物日沉西江浮藻地淮山小鳥沒吳
宮雲樹低獨足不回鷓鴣去雲臺今此讓烏棲

謝黃德廣見贈韻

幾載隨龍度兩京每慙服食在王庭論文心契危
貞白志道神怡夏紫青騎馬歸來頭帶雪釣魚老
去目瞻星雲山江水秋無恙莫遣天書降浩冥
和吳大宗師九日迎駕龍虎臺韻

龍虎臺前鞠日時玄師迎上政栖遲皇、車駕循
彝典穆、君臣好禮儀五色卿雲清厝瑟九光行
殿錦紈帷山呼首效封人祝恭進蓬萊沆瀣卮
至尊萬壽復神京中外臣僚極遠迎王道平、行
鳳輦德音扶、噦鸞聲堯天澄湛星辰列舜日昭

融錦繡平家喜玄師承顧問還丹九轉眼重明
深秋黃道翠華開輦路清光被草萊一地行宮成
五陞九天明月照金臺班趨文武紅雲合樂奏簫
韶彩鳳來至正明仁希歷代詞臣樂頌太平回

登桑乾嶺迎達禮部

曉發桑乾嶺行、路入雲衆山皆在下惟我獨超
羣驛騎天邊出楊花樹杪分老僧邀茗供坐石共

論文

和句曲張外史韻寄上清薛外史

明月照寒水清霜積厚冰知君多念我為客獨依
僧湖海十年夢詩書半夜燈忽聞江國雁寫寄剡
溪藤

上京懷張外史

兩冬為客住龍沙長憶西湖處士家昨夜不知身
萬里短窓明月夢梅花

和沈自誠孤鴈韻

海國風高失薊雲聲哀怨不堪聞自憐片影荒
城月自為飢寒向別群

和貢泰父待制上京即事

野韭青黃鼠肥地椒細白翎飛即君怯薛今

朝出請得官錢買酒歸

金鞍寶馬女郎騎笑擁香車出內時齊到五雲新
月下舉鞭相向始分離

草堂雅集卷之八終

草堂雅集卷之九

倪瓚

字元鎮昆陵人酷好讀書尊師重友操履修潔
詩趣淡雅如韋蘇州作小山水如高房山自號
雲經鋤隱者家有雲林隱居與予有葭葦之親累
辱見招規往而每不果然多得其所作故并刻

云

素至正乙未素衣詩

玉山草堂雅集卷之九

倪瓚

玉山顧

瑛類編

素衣內自省也督輸官租羈繫憂憤思棄田廬
歛裳宵遁焉

素衣涅兮在彼公庭載傷迨隘中心怔營彼苛者
虎胡恤爾氓視氓如縱寧辟尤詬禮以自持省焉
內疚雖曰先業念毋盪失守而不遷致此幽鬱身
辱親始孝違義屈蔚：荒塗行邁靡通誰：鳴鳳
世莫之逢夕風淒薄曷其有旦吁嗟民生實罹百
患先師遺訓豈或敢忘簞瓢稱賢樂道無殃予獨
何為悽其悲傷空谷有芝窈窕且廓爰宅希靜菽

水和樂載弋載釣我心不忤安以致養寤寐忘憂
修我初服息焉優游

春日雲林齋居

池泉春漲深徑苔夕陰滿諷詠紫霞篇馳情華陽
館晴嵐拂書幌飛花浮茗盞階下松粉黃窻間雲
氣暖石梁蘿薦垂翳：行踪斷非與世相違冥栖

久忘返

雨中寄益集

西山雲翳終日雨清池散園文空林絕行

玉山草堂雅集卷之九

倪瓚

二

屢野性夙雨賦好懷誰共語燒香對長松相與成
賓主

十二月十七日過與之洛澗山居留宿一作復大雪作及明起視戶外巖岫如玉琢削竹樹壓
倒徑無行踪飄瞥竟日至暮尺餘一作至暮未已雪深尺許餘因賦詩留

別

世途縈荏苒歲晏不知歸密雪竹林夜挑燈共掩
扉一作稍移蕭條塵慮淨一作高詠玄言微遇此巖中賞一作初心事悵
多違

泊芙蓉洲寄張鍊師

芙蓉猶滿渚疎桐已殞霜泊舟菰蒲中吳山隱微

陽因懷靜默士竹林閔玄房煮茗汲寒澗燒丹生

夜光憶與鄭知輩間咏步修廊時子有所適顧瞻

重徜徉庭下生苔蘚牖間繡詩章奕勢鄭老勝酒

榼却生將雅歌雜談諧列坐飛羽觴子歸日已晚

棗栗亦傾筐揮手輒謝別暮宿荒城旁遲明趨所

期待子鄭公堂晨往遂至昏企望徒悵乃嗟仙

真馭固非世所望惻惻理歸棹泛泛秋浦長還尋

甫里陸更醉山陰王素冠斯馳贈喜知終未忘余
茲將遠適旅泊猶彷徨微風動虛碧初月照石梁
曠望對清景賦詩記陳郎茯苓思同煮夜雨共匡
牀

雙寺精舍新秋追和戎昱長安秋夕

殊暑晚差涼茗餘眠獨早清風振庭柯寒蛩吟露
草晨興向流水西望吳門道不知人事劇但見青
山好

寄段吉甫

昔者一作年段干木踰垣避其君冥翳巖穴間清風扇炎
氛德綿百世下吉甫賢且文神鸞養竒采芳芷結
幽芬回視當世士雞鶩正紛紜一作獸事夸效子獸
介不羣舍瑟作而歎此道誰復云

余友玄中真師在錫之東部門立靜舍名玄
文館幽潔敞朗可以閒處至順壬申歲六月
余寓是兼旬謝絕塵事游心澹泊清晨擲沐
竟終日與古書古人相對形忘道接倏然自
得也且西神山下有泉味甚甘冽與常水異

館去山不出五里故得昕夕取泉以資茗蒨
余讀書研道之暇時飲水自樂烏乃賦詩記
事

真館何沉、寡廊神明居陽庭肅宏敞丹林鬱扶
踈曠言茲遊息脫屣榮利區擔擐初日麗池臺涼
雨餘焚香破幽寂飲水聊舒徐潜心觀道妙諷咏
古人書懷澄神自適意愜理無遺誰云黃唐遠泊
然天地初迴首撫八荒紛攘虵蟥如願從逍遙遊
何許崑崙墟

丙子歲十月八日夜泊閭門將還溪上有懷

友仁陸徵君

明發辭吳會移舟夜淹泊空宇垂繁星微雲暝前
部沉抱冲素情、傷離索歸埽松徑苔遲君踐
幽約

至正四年十一月袁員外來林下為留兼旬
臘月十七日快雪初霽庭無來跡與僕靜坐
因取琴鼓之古音蕭寥如茂松之勁風春壑
之流冰員外時年八十有二顏貌筋力未如

四五十許人為言甫弱冠遭逢盛明初宰當
塗過九華山道逢神人與棗食之後數日見
夢寐間若冥感玄遇者負外翰耀蘊真仕祿
以自給不為人所知豈鄙怨先之流歟為賦

五言以贈

即官調綠綺谷雪賞初晴雨忘絃與手流泉松吹
聲問年踰八十云嘗見河清掛帆望九華神人歎
相迎啖以海上棗歡受苦平生玄遇寧復得惜哉
遺姓名

送友仁之京師

春風吹蘭萼佳人將遠遊遠遊何當還神京鬱雲
浮曠言英邁志飛轡不可留豈無金閨彥與子結
綢繆河山風氣雄江水日夜流遙瞻雲中雁庶以
慰離憂

玉壺中插瑞香水仙梅花戲咏本有一首二字

寒梅標素艷幽卉弄妍姿團、紫綺樹共耀青陽
時折英欲遺遠但恐傷華滋置之玉壺冰芳馨消
歇遲

述懷

嗟余幼失怙教養自大兄勵志務為學守義思居
貞閉戶讀書史出門求友生放筆作詞賦覽時多
論評白眼視俗物清言屈時英貴富烏足道所思
垂令名大兄忽捐館母氏總淪傾慟哭肺肝裂練
祥寒暑并釣耕奉生母公私日侵凌屢勉二十載
人事浩縱橫輸租膏血盡後官憂病嬰抑鬱事污
俗紛攘心獨驚罄折拜胥吏戴星候公庭昔日春
草暉今如雪中萌寧不思引衣緬烏起深情實恐
貽親憂夫何遠道行遺業忍即棄吞聲還力耕非
為蝼蟻計興已浮滄溟雲霾龍蛇噬不復辨渭涇
邀：巖澗阿靈芝燁紫莖有志而弗遂悲歌歲崢
嶸治長在縲絏仲尼猶亟稱稔康肆宏放刑僇固
其徵被禍以懷玉天爵非外榮賤辱行豈玷表暴
徒自矜蘭生蕭艾中未嘗損芳馨

送馬生

送子淮南行繫舟江岸柳翠影舞晴烟落我盃中
酒舉杯向落日春水浮天碧時見白鷗飛雪光翻

綺席應笑披羊裘
獸釣江邊石

寄揚廉夫

吳淞江水春汀洲
多綠蘋彈琴吹鐵笛
中有古衣中我欲載美酒
長歌東問津漁舟
狎鷗鳥花下訪秦人

題原道西溪草堂

春水孤村迥荆溪
菴畫西晚日鳴榔起
山雨竹雞啼櫻花已落
蘼蕪綠未齊酒船尋賀監
早晚到幽棲

對酒

題詩石壁上把酒長松間
遠水白雲度晴天孤鶴還
虛亭映苔竹聊此息躋攀
坐久日已夕春鳥聲

關

贈野處民

水聲轉屋西山翠
浮屋東床前苔滋
雨門外松吟風怡然無
世慮心廣神為克
曲肱以飲水至樂在其中
擊壤歌往古寧知事王公

次張仲舉韻

袂疇時已編午餼休中林忽聞軺車至攬衣欣慨
深遂尋修竹下共憇西澗陰汲泉以煮茗遐哉遺
世心

潘公鳴臯軒

白鶴稟靈質翩々有竒姿海月比高潔岩雲共逶
迤池上菖蒲花春烟紫綬々飛鳴聊飲啄乘風來
下之我登鳴臯軒遂賦鳴臯詩安得赤玉笙崔上
吹參差

為張來儀賦匡山讀書處

廬山鬱岩莢上有香爐峰影落碧天外翠玉琢芙蓉
牽蘿讀書處雲磴無行踪猶遺石巖苔花開紫
丰茸愁心飛春雪寶劍沉雙龍應化蘇耽雀歸棲
千歲松仙巖採芝叟久別倘相逢

送賢良北上

吳山朝靄外閭門春雨餘超忽孤帆遠天末浮雲
舒君今北闕遊我棲南山廬荷鋤事耕作閉戶咏
詩書高林鳴禽曙青苔行跡踈還期茅簷下一柱
故人車

惻行

三月十五日陸玄素將從梁鴻山歸吳松之上
是夕坐至夜分始別余入舟賦此追至梁鴻山
寄之以定及冬重來之約

惻、復惻、憂思從中發感子遠來訪畏子遽言
別不有同心人何以慰孤寂矧茲春夏交蕭艾盈
路側江水亦浩漾風帆還飄突行將阻攜手轉覺
意忽、交好匪在今高誼敢自昔人生寧無別所
悲歲時易坐歎辛夷紫還傷蕙碧草僕夫竊相告

恆我悲憤塞山中梁鴻棲江上陸機宅井臼今蕪
穢霍啖亦寂寞余徃經其濡徘徊但陳迹天地真
旅舍身世等行客汎、何所損皎、奚自益修短
諒同歸數面聊歡懌

次韻別鄭明德

思君阻言笑三歲同一日既見令人怒不見令人
憶揮觴縱譁浪抗論殫今昔世方雜涇渭已乃忘
得失饒涎飫甘美醉眼亂朱碧少逢人眼青每遇
俗眼白不隨在混、自喜心得、講學日光輝盡

性久率循不意吳市門尚復有此客茅齋素壁上
佳句手自摘楓林已搖落梅蕊尚未拆吁嗟歲去
暮感歎終日夕殘生能幾日念此氣填臆富貴真
可羞功名竟何物世事蟹登籩危機猩著屐翁子
善自守氣體保寧逸去：勿重陳且復混玉石

答徐良夫

八月七日偕耕雲叟訪畊漁隱者風雨寂寥中
為留三日有圖書筆硯之樂九日耕漁賦詩見
贈次韻奉答

雲卧雨聲集庭樹颯以秋身同孤飛鶴心若不繫
舟燕姐登松菌飽尊斟澗流蘭芳日凋悴吾生行
歸佳不作螻蟻夢遊神鳳麟洲青山澹相對白髮
忽滿頭仙去雲冉冉風鳴竹修修諒哉伐木詩鳥
嚶尚相求居吳二十載未及茲山遊君才如鮑謝
搞詞亦云優歡然敬愛客能不為爾留桑土夙所
徹戶牖何綢繆地無車馬塵路轉巖穴幽既晴引
飛屩回望林間樓

惟寅友兄雅志林壑遠寄佳紙命僕寫圖賦

詩因作此以寄歲己亥五月八日
齋居誰為友毛穎與陶泓有客附書至云是楮先
生潔白中含素柔滑表至精愛此風林意更起丘
壑情寫圖以閒咏不在象與聲

余自與庸叔別後不相見近十載矣今年冬
邂逅吳下班荆道舊殆若隔世因寫霜林遠

岫圖并賦詩以贈

賀公雅吳語嘗誦少陵詩遠孫有古風隱居淮水
湄開牖望青山尋真歌紫芝鏡湖似清淮烟濤春

渺瀰何當棹酒艇與爾相娛嬉永言以鼓瑟獻酬
斟酌之伊昔龍眠莊山水含清暉松桂蔚佳色田
疇足耘耔結茅飯松木忘年樂熙熙贈此以為好
同心勿乖違

蘧廬詩并序 蘧廬子蔡質子賢也

有逸人居長洲東荒寒寂莫之濱結茅以偃息
其中名之曰蘧廬且曰人世等過客天地一蘧
廬耳吾觀昔之富貴利達者其綺衣玉食朱戶
翠箔轉瞬化為荒烟蕩為冷風其骨未寒其子

若孫已號寒啼飢于塗矣生死窮達之境利害
毀譽之場自其拘者觀之盖有不勝悲者自其
達者觀之殆不直一笑也何則此身亦非吾之
所有况身外事哉莊周氏之達生死齊物我是
遊乎物之外者豈以一芥蒂于胃中蕪周我所
師也寧為喜晝悲夜貪榮無哀哉予嘗友其人
而今聞其言如此盖可嘉也庚戌歲冬予凡一
宿蘧廬賦贈

天地一蘧廬生死猶旦暮奈何世中人逐逐不返
顧此身非我有易晞等朝露在短謀則長嗟哉勞
調度彼云財斯聚我以道為富坐知天下曠視我
不出戶榮公且行歌帶索何必惡

與張貞居雲林堂晏集分得春字

青苔網庭除曠然無俗塵依微樵徑接曲密農圃
隣鳴禽已變夏踈花尚駐春坐對盈罇酒欣從心
所親

題張德常良常草堂二首

一室良常洞幽深古大茅風瓢元自寐哇甕不知

勞獨出逢騎虎初來學種菹還應白雲裏遲子共
遊遨

翠壁隣丹竈青楓背草堂琴書聊卒歲麋鹿自成
行疊澗流杯滑飛花入座香寧無問津者及此繫
舟航

邀張彥高

清風入庭戶野客意悠哉一與佳人別堦前生綠
苔參差松影亂扉歷竹扉開我有盈樽酒懸榻待
君來

用韻重寄

山齋秋聽雨高卧興悠哉鹿飲荒池水蝸耕石徑
苔寶瑟芳塵滿臨樽詎忍開長吟我有待躡屩子
能來

題張氏蘂竹軒

高軒自虛曠幽竹亦蘂生苔石寒依玉風泉夜奏
笙治冠輕可着醞酒綠因名好折青鸞尾仙壇掃
月明

酬彙齋見詒

玉山草堂雅集卷之九

倪瓚

十四

秋氣入幽居
堦前樹影疎
筋骸渾懶惰
服食轉清
虛薄晚魚潛
渚新晴溜
繞除荻苓
期共煮
悵望苦
吟餘

荒村

踽々荒邨客
悠悠遠遁情
竹梧秋雨碧
荷芰晚波
明穴鼠能人
拱池鵝類
雀鳴蕭條
阮遥集
幾屐了
餘生

題丘氏壁

我愛丘君宅
蕭然隱者風
石邊蒙細篠
井上植高

桐墨沼鵝羣
白雲窻藥蕊
紅咏歌當上
已修禊樂
融

畫江天晚色贈志學

不見呂君久
題詩懷不忘
風聲渾落葉
山影半斜
陽獨雀來
遲暮孤帆出
渺茫為圖
秋色去留
寄讀
書堂

八月十五夜湖上玩月

平湖秋似練
寒月白於銀
泫々衣上露
青々水裏
蘋歡言一杯
酒聊樂百年
身茲夕對澄
景况值高

懷人

題漁樵友卷

釣水復樵山逃名宇宙間一篙春水淨半畝落花
閒鷗鳥時親狎松雲共往還厭聞塵世事約邈不
相關

南湖陸玄素高士幽居今王仲和居之水木
清華戶庭幽邃余嘗寓其家四年蕭然忘世
慮也仲和以此幀索畫竹石画已并詩其上
以寫倦之懷玄素仲和外舅也故尤感余

故人之思乙巳初月十七日

曾住南湖宅于今已十年叢筠還自翳喬木故依
然雨雜鳴渠溜雲連煮木烟何時重相過爛醉得
佳眠

題畫贈張玄度

玄度好文學工詞翰藹然如虹之氣真江南澤
中千里駒也十二月十四日侍乃翁訪僕江渚
相與話舊踟躕深動故園之感因想像喬木佳
石翳沒於荒筠艸蔓之中遂寫此意并賦詩以

贈烏

蕭條江渚上舟楫晚相過
捲幔吟青嶂臨流寫白
鵝壯心千里馬歸夢五湖波
園石荒筠翳風前悅
浩歌

寄却九成

一作張心遠訪荆九成因書以寄

州府今為掾風埃多厚顏
香芹渾滿澗去鶴未巢
山思逐春雲亂心隨野水閒
章君應話我擣散碧
巖間

贈陸隱君

甫里高人後風流有裔孫
愛山仍愛畫留饌復留
樽每看雲眠石因尋竹款門
今朝嵐翠濕應是雨
翻盆

聞鶯送別鄭徵士

春日陽關道鶯聲滿上林
來從金谷曉飛度玉樓
陰柳嫩難分色歌停稍辨音
明朝空解語人去落
花深

贈陳惟寅有跋

十二月九日夜與維寅友契
篝燈清話而門外

北風號寒霜月滿地窓戶閒寐樹影零亂吾二
人或語或默寤寐千載世間榮辱悠悠之語不
以污吾齒舌也人言我迂謬今固自若素履本
如此豈以人言易我操哉維寅言歸因賦詩并
書此為贈慎勿以示顯貴者必大笑以為謬語
也十三日瓚書于蝸牛廬中歲在寅

陳君有古道夜話赴幽期翳々燈吐焰窳々月入
帷冰澌醜酒味霜氣折琴絲明日吳門道寒聽獨
爾思

題鄣天錫畫并序

天錫掾郎與予交窳久死別忽々二十餘載念
之悵恨如何可言錫山弓河上玄元道館錫麓
玄丘精舍其畫壁最多今或為軍旅之居或為
狐兔之窟顏垣遺址風景亦異雖余之故鄉乃
若異鄉矣不歸吾土亦已十年因勝伯徵君攜
此卷相示為之展玩感慨并叙述其疇昔相与
之所以然者其中有不能自己也捉筆凄然以
之至正二十三年歲在癸卯十二月十日夜笠

澤蝸牛廬中寫

郭髯余所愛詩畫總名家水際三人路毫端五色
霞米顛船每泊陶令酒能賒猶憶相過處清吟夜
煮茶

徐良夫耕漁軒

僕來軒中自七日至此九四日矣風雨乍晴神
情開朗又與畊雲耕漁咲言娛樂如行玉山中
文采自足照映人也喜而賦此詩

溪水東西合山家高下居琴書忘產業踪跡隱樵

漁積雨客留宿新晴人趁墟厭喧來洗耳清泚遠
前除

至正癸亥秋七月三日乘雨至西園因寫此

圖賦詩以紀勝遊

卜宅清溪上烹茶秋樹根書堂微雨霽石榻古苔
痕松葉飄琴薦荷香罩酒樽邵公啟古道幽尚竟
誰論

題梅花道人墨菜詩卷

肉食固多鄙菜烹元自癯曉畦含露氣夜鼎煮雲

瘦春醪時一進林笋與之俱遊戲入三昧披圖聊
我娛

孤雲用王叔明韻

烟浦寒汀雨吳山楚水春絕無凝滯跡本是不羈
人鶴鶴同棲息蛟龍任屈伸自嗟猶有累斯世有
吾身

題畫

荆溪山水勝不到十年餘蔣氏遺基上寒藤學草
書

南村草堂

雲溶溶分覆渚波剡
鷗馴以不飛
名侵扉觀魚泳而自樂狎

餘不溪詠併序

開玄館在餘不溪濱距溪無百步上清王真人
所居溪流冬夏盈演玉光澄映与他水特異故
為名焉庚午歲春因市藥過浙江趣便道將歸
梅里俯斯水而悅之泝流閒咏盥濯平津碩瞻
壇宇近在東麓遂舍舟造其下真人為出酒脯

燕嘯巖洞竟日乃返悠々徂歲忽已十有七寒
暑矣余既為農畝畝身依稼穡復邇政繁奔走
州里欲為昔遊其可得乎鍊師超然物表閒情
夷朗周覽宇內將還玄館余因彷彿疇昔之所
覩追賦短章以餞斯別若夫超踪溷濁逍遙玄
邁益深志于是矣覽而咏言能無動悲慨乎

餘不溪水綠生賞放舟演漾當青春舟隨鶴影忽
行遠洞口莢花飛接人雲松蔽虧烟蘿席儼在溪
東之石壁羽人垂衣坐鼓簧饋我晨餐芝菌香從

茲更發洞庭渚濯髮咸池臨故鄉
餘不溪水涵綠蕒微風吹波蹙龍鱗看山蕩槳不
知遠花間白鹿來迎人溪迴路轉松風急竹林華
房霞氣濕忽逢道士頽而長疑是韓國張子房相
期飄拂紫烟裏下攬滄溟浮玉觴

醉題許生壁

生有破屋山西邨風雨不出卧衡門
藁書其間讀且溫客來輟書就琴尊
寐莫古道安可論

醉歌行酬李徵君春日過草堂

作醉歌行次韻答李徵君春日過草堂賦贈一章

昔聞杜陵之茅屋浣花溪邊錦江曲古人不見春
風來桃李無言自山麓石床蘚澁青泥乾決渠流
水夜潺湲可憐瑤劍埋黃土空餘山月照波間今
我不樂懷徃古短世長年誰比數花下那知李白
來山鳥恣歌童亦舞酒酣大笑五情熱作相形求
築巖說夷齊相逝居首陽逍遙采薇飽芳潔勿歌
虞夏神農詩賢愚等是百年期魯連恥秦亦蹈海
笑爾局促高山芝少文壁間對圖畫莫待老來難
命駕仰看翕忽浮雲馳安得乘螭與之化漠漠揚

花縈遠天迸壑晴雷驚醉眠李侯神爽色不動手
一作中敲茶雪落輕烟逢君此樂誠草草便欲攜君卧煙
島海上一作峰白鶴飛世人胡為而自老

江南春

汀洲夜雨生蘆笋日出曛曉簾幕靜驚禽蹴破杏
花烟陌上東風吹鬢影遠江搖曙劍光寒轆轤水
咽青苔井落紅飛燕觸衣巾沉香火微縈紛塵
春風顛春雨急清淚泓江
水濕落花辭枝悔何
及絲桐哀鳴亂朱碧嗟胡為客去鄉邑相如家徒

四壁立柳花入水化綠萍江波搖蕩心怔縈

贈顧定之

輕薄紛々新少年論詩作賦如湧泉為雲為雨手
翻覆背向傾擠當憐面阿翁七十仍踰四與我同
心生並世高卧白雲冷絳霞草堂門對靈巖寺

秋鶴軒

開軒北部名煠鶴、影翩、向窳廓不見千季了
令威悲嗟城郭是耶非紛々霜葉飄庭樹苔色荒
陰翳烟霧草迳逶迤深樹中時有山僧自來去

贈陶得和製墨

麋膠萬杵搗玄霜螺製初成龍井庄悟得廷珪張
遇法古松烟細色蒼々桐花煙出潘衡後依舊升
龍柳枝瘦請看陶汰妙非常一點濃雲瓊楮透

為曹僉事畫溪山春晚圖因題

作題曹僉事畫溪山
春霽圖

荆溪之水清漣漪溪上晴嵐紫翠圍連舸載書烟
渚泊提壺入林春蕨肥身遠雲霄作幽夢手栽花
竹暎山扉磯頭雪影多鷗鷺也着狂夫一浣衣

畫竹贈王允剛

玉山草堂雅集卷之九

倪瓚

子猷借地種修筠何可一日無此君葉籠書席搖
翠雨陰結香爐屯綠雲聞孫任近吳江渚二仲邀
遊如蔣詡置酒邀余寫竹枝隔竹庖人夜深語

寫墨竹贈顧友善

顧伯末派隱君子林居江濱古東里澡身潔行讀
書史思友天下之善士綠竹猗猗蔚材美獨立不
思羣不倚長吟揮毫為君起寫其形模惟肖似諒
哉直清可以比

題柯敬仲竹達兼善秘書後

誰能寫竹復畫善高趙之後文與蘇檢韻人
品係篆籀渾、書法俱全光博士生最晚耽詩愛
畫同所趨興來揮洒出新意孰謂高趙先乎吾

達秘書曰堤柳拂烟踈翠葉池蓮過雨落紅衣

娟：惟有窓前竹長是清陰伴夕暉

又曰梁王宅裏參差見山簡池邊爛熳栽記得
九霄秋月上滿庭清影覆蒼苔

和周正道拔時髦韻

何處林間搭鳳毛鳳兮歲蕤潛九苞空林春風露
玉山草堂雅集卷之九 倪瓚

稍、雉雖不聞雀鳴皋雲中金支紛翠翹龍鸞天
矯羣仙翺網羅張弛野喧囂羣飛畢命因遁逸隕
身折翮隨所遭毋啄我殼傾我巢鳳兮麟兮遠莫
招腥風血毛洒林郊隼鷃飛擊當絳霄西飛鷓鴣
東伯勞旭日鳴雁聲嗷、鬼車鵙鷓鴣鴉風雨
如晦聞收號時乎、、孰如嘲吁嗟清濁寧混淆
拔乎其萃皆時髦

窮冬舟過吳淞渚千里交歡少嵇呂范張一室小
寫松江山色并詩贈子俊茂才

如壺雞黍時、慙羈旅阿兄彈琴送飛鴻讀書頗
有沉潜功阿弟煮茶敲石火滿江春雨聽松風圖
書四壁醒愁睡隱几嗒然忘世慮扁舟一葉五湖
遊身與閒雲共來去三月六日天氣清為爾咏出
詩無聲袖有青銅錢二百為余沽酒作魚羹

題趙千里扇上畫山

誰見解衣作盤礴卷懷雲烟歸掌握春雨冥、江
水深竹間日暮衣裳薄零落王孫翰墨餘越王臺
殿久荒燕要知人好画亦好愛比當年屋上烏

張伯雨次韻詩曰翠竹丹山氣旁礪幾疊香痕
經手握何年破鏡飛下天吳淞水剪刀薄江
南寶繪多遺餘王孫不歸恨縻蕪縻蕪消歇秋
風起班、為我歌烏、

鄭元祐次韻詩曰宋諸王孫妙盤礪萬里江山
歸一握卷藏袖中舒在手清風徐來穀衣薄文
采於今淪落餘雕闌玉砌淒縻蕪至寶不隨黃
土化門上空啼頭白烏
陳方次韻詩曰亭衣春暖初盤礪點綴溪山不

盈握白雲隔浦見菼花坐使涼風起
蕪薄故物凋零百歲餘王孫有恨迷平蕪
衡門今日看真蹟始與人辨雌雄烏

至正乙巳五月廿三日西雅宜山齋圖并題

靈巖對植雅宜山穹林巨石臨蒼灣若翁遁跡在
其麓有子讀書常閉關松根茯苓煮可握林下慈
烏去復還寫圖愛此錦步障白雲紅杏春闌斑

賦句曲外史精舍書屋虞伯生張仲舉後

道士朝乘白鶴還樓臺金碧鎖空山
半天花雨飛

幢節萬壑松風雜佩環丹井夜寒光冽、石壇春
作雨靜薜斑、飄然便擬從君隱分我玄洲屋半間

伯生詩曰隱居聞道無人跡麋鹿來依積雪深
每占雲氣得芝木莫恠丹光穿樹林茅君自騎
一虎下木客或與羣猿吟知爾此時最相憶想
予飛矯度千岑

仲舉詩見第六卷中

晨起一首寄丹丘

竹窓晨起聞幽鳥深巷絕無車馬喧多病相如非

不遇歸田靖節一作陶令自忘言墻陰薯蕷苗方茁雨裏櫻

莢花一作陰正繁二月冥寒少晴日一作坐漸看春水上柴門

失鶴

啄粟巢松春華峰直將天地作樊籠不聞丁令歸
華表應馭王喬入太空行跡縱橫苔石上寒棲依
舊竹林中清齋我亦厭腥腐遐舉思乘萬里風

北里

舍北舍南來往少自無人覓野夫家鳩鳴桑上還
催種人語烟中始焙茶池水雲籠芳草氣并床露

淨碧桐花練衣挂石生幽夢睡起行吟到日斜

山園

春水鳧鷖野外堂山園細路摘花香栖身世書
盈篋漠風煙酒一觴豈謂任真無禮法也須從
俗著冠裳不營產業人應笑竹木栽培已就行

林下遣興

作林下寄張貞唐

眼見藤梢已過墻手拈書卷復堆牀
臨水檻親魚鳥欲出柴門一作高畏虎狼
冠製不嫌龜殼小衣一作裙裾新
剪雀翎長從來任拙唯踈懶一作放一月秋陰不下堂

春日

閉門積雨生幽草歎息櫻桃爛熳開
春淺不知寒食近水深惟有白鷗來
即看垂柳侵磯石已有飛花拂酒杯
今日新晴見山色還須拄杖踏蒼苔

林下

林深何處尋行逕披草時過堊老家練澄波晴
偃月蛻小塢曲藏蛇孤帆賣藥來勾曲獨木為
橋似若耶高卧閉門成懶癖蒼苔漫滿石樽窪

次陳子貞見示韻

漠：寒煙墟落際猶餘凍雪鎖荒榛行隨雲谷采
樵者飯供松龕學道人未必杜陵渾懶慢可憐逸
少轉清真酒船好繫溪頭石花鳥相娛行及春

八月廿三日留南宮岳山人飲明日岳山人
過玉山南宮老矣不知復幾聚首觀花聽琴
情不能堪因賦兼柬玉山

芙蓉著花已爛熳濁酒彈琴聊少停數聲別鵲隔
江渚一醉秋風空玉瓶况當賓客欲行邁忍使風
雨即飄零攀條掇英重惆悵但願花下長不醒

乙未歲余年適五十幼志于學皓首無成因
誦昔人知非之言慨然永歎賦此

陰風二月柳依、隱映湖南白板扉旅泊無成還
自笑吾生如寄欲何歸美人竟與春鴻遠短髮忽
如霜草稀五十知非良有以重嗟學與寸心違

贈張玄度時方喪內

吳淞江水似荆溪九點烟嵐落日西寂、郊園寒
食過蕭、風雨竹雞啼蕙花委砌心應折芳草歸
途意轉迷曾得魯連消息否春潮隨雨到長堤

雪後過陳子貞隱居

一作雪後謁陳子貞

陶公卜宅南邨裏快雪初晴思一遊
樹辨微茫來獨宿櫓搖歌側散輕鷗
墨池繞溜春水滿塵榻繡書夕照收
相見惘然如有失掉頭吟咏出林丘

廿九從來過溪上將還汝寧賦此奉送

野夫住近青山部左右雲林無市聲
忽有故人騎馬至即呼稚子出門迎
虛窓圖史少開笈細雨滄浪同濯纓
乍別林居無所賴裁詩相憶字歌傾

寄養正

得君佳句清如玉秋色驚人換物華
老境侵尋真有感故園隔絕更興嗟
女蘿綠遍縈茅屋烏桕紅明暎落霞
欲酌一尊澆磊塊幾時邀子過田家

送僧遊天台

四明山水名天下師去那知客路遙
雪霽驚鷹騰宿莽月明寒鵲集疎條
坐尋雲頂千峰石歸趁江頭八月潮
寄語山中光老子送賓也合過溪橋

送張玄度

一年不見張玄度秋夜吳城忽爾逢
清似石湖梅

上月瘦于廬埤瀑邊松白冠緇布前朝服短髮長
齋舊日容昔者交朋淪落盡及時為樂且相從

寄錢伯行

斑斑苔砌蕙花消忽憶美人山水遙夢得池塘春
草句望殘烟日晚江潮汀雲沙鳥時同宿野飯芹
羹或見招洒掃南湖石上月為留清影醉吹簫

贈雲泉小隱為張德機賦

昕夕輕鷗傍釣磯幽情自不與人違琴尊花圃春
酣後童冠風雲晚咏歸雲卧半間僧入定苔侵三

徑客來稀却憐服食清虛甚黃獨松花煮療飢

荅德常別駕初夏見懷

隔浦鼉鳴似打衙雲濤城郭夕陽斜汀前露冷魚
鱗屋窻裡烟輕蟬翦紗沛澤風雷時遠几談空衣
袂不沾花欲分香飭能來否早晚門前望鹿車

苦雨

冥冥秋雨溺田禾日奔雷吼怒鼉十里荒涼黃
犢草五湖浩蕩白鷗波直應天地移龍穴未覺階
除失蟻窠君子憂民重興感吁嗟天意欲如何

題孫氏雪林小隱

天地飄飄一短蓬，小牕虛白地爐紅。
脩然忽起梨雲夢，不定仍因柳絮風。
雀影褊裓簷上下，鹿迹散漫屋西東。
杜門我自無干請，閒寫芭蕉入画中。

送柳道傳東歸

賦詩南澗寫烏絲，靄靄停雲去後思。
鄉國動成經歲別，江湖復與故人辭。
溪船斫鱸雲生柁，松室聞猿月滿枝。
他日重尋言子宅，咏歌應在暮春時。

寄顧仲瑛

江海秋風日夜涼，虫鳴絡緯促寒裳。
民生惴惴瘡痍甚，旅泛依、道路長。
衰柳半欹湖水碧，濁醪猶趁菊花黃。
知君習靜觀諸妄，林下清齋理藥囊。

三月二十二日雨懷荆谿舊遊寄原道

憶昔荆溪棹酒船，綠波搖蕩女蘿烟。
春茶未放仙人掌，雨巖先舒稚子拳。
岩間石上尋遺跡，作賦題詩多昔賢。
今日空齋獨對雨，幽懷猶夢白雲邊。

贈墨生沈學翁

沈學翁隱居吳市燒墨以自給，所謂不汲、于

富貴不戚，于貧賤者也。烟細而膠清，黑若點漆。近世不易得矣。因賦贈焉。

桐烟墨法後，松烟妙賞坡翁已。以傳麋角膠，清瑩玄玉龍。文刀利濟寒泉山，解唯珎白鵝帖雲窓誰錄古苔篇。愛爾治生吳市隱，收煤一室數燈然。

和甘白先生樂圃林居二首 甲寅六月五日

關、幽鳥綠陰濃，林隴陂池曲。通荷雨逗涼，侵北牖。汀雲度水迅，南風清琴詠。雅寧諧俗濁，酒攻愁似有功聞。道秋來偏起，早一簾晨露引高桐。

竹裏齋厨柳下渠，幽林風景自應殊。家無甌石惟憂道，隣斷炊烟急索租。山水魏湯聊足樂，雨雲翻覆豈吾徒。遠、柳、天涯夢楚水，湘雲叫鷓鴣。

題安處齋

湖上齋居外史家，淡烟疎柳望中賒。安時為善年季樂，處士謀身事、佳竹葉夜香缸。面酒菊苗春點磨頭茶，幽棲不作紅塵客，遮莫寒江捲浪花。

至正九年八月十六日計籌山呂尊師訪予

蕭閒館為予言，顧仲瑛徵君玉山隱居之勝。

輒想象賦長句以寄他日尚同袁南宮携琴
嘯咏竹間也

解道玉山佳絕處山中惟有呂尊師已招一鶴來
庭樹更養群鵝戲墨池松風自奏無絃曲桐葉新
題寄遠詩若許王猷性狂癖徑來看竹到堦墀

題良夫遂幽軒

來訪幽居秋滿林塵喧暫可散煩襟風迴研沼搖
山影夜靜寒蛩和客吟危磴白雲侵野屐高桐清
露濕牕琴蕭然不作人間夢老鶴眠松萬里心

題枯木竹石

益公以道不見忽七改年矣辛亥七月余來
自茗溪偶遇松陵之桐里雙井院數日矣以道
因過慧日懺堂解后一見因寫竹樹小山并賦

詩寄意云

一笑相逢豈有期因懷西崦話移時李公堂裏頻
曾宿陸子泉頭舊有詩旅思淒淒非中酒人情落
似殘碁雲濤眼底三生夢鷗影秋汀又語離
以道因詠余舊詩春日試筆一首今三十年矣

并書画上

喜看新酒似鵝黃已有春風拂草堂
二月江南初破柳扁舟晚下獨鳴榔
苔生不礙山人屐花發應連野老墻
世外寧辭千日醉未容人事惱年光

九日登華氏溪亭

茱萸黃菊稍斑斑
楚水蒼烟艸莽間
送客歸來逢九日
華家亭上獨看山

春日

鶯啼花落罷琴樽
山郭鳴鐘霽已昏
莫嗔野鹿當

蘿逕只有春風到華門
青林微雨見東臯
桑柘陰陰飛伯勞
可憐柳絮浮春水
無復縈空百尺高

別潘先輩

君來烟草正淒迷
君去溪頭柳葉齊
掛席中流竟東上
莫重回首向荆溪

至正十四年二月廿五日雨知君九成留宿

高齋篝燈為寫春林遠岫圖并次其韻

我別故人無十日衝煙艇子又重來
門前積雨生

幽草牆上春雲覆綠苔
斷送一生棋局裏破除萬事酒杯中清虛事業無人解聽雨移時又聽風
沒徑春泥不出門山烟江霧晝長昏糟床聲雜茅簷雨破却陰寒酒自溫
知子論詩冀北空晤言千里意常同待晴紫陌堪縈手行咏山光水影中

附錄九成原韻詩曰杏花簾幙看春雨深巷無人騎馬來獨有倪寬能憶我黃昏躡屐到蒼苔

春色三分都有幾二分已在雨聲中墻東兩箇
桃花樹恨殺朝來一陣風
十日春寒早閉門風之雨之怕黃昏小齋坐對
黃金鴨寂莫沉香火自溫

尙寒時節病頭風惆悵年華逝水同世事總如
春夢裏雨聲渾在杏花中

絕句

醉喚吳姬舞蹈筵風攔花陣亦迴旋愁生細雨寒
煙外詩在青蘋白鳥邊

寄友

二月江水青接天
楊柳隔江搖綠烟
一夜愁心似
膏雪隨風舞影落君前

煙雨

烟雨空濛遠樹齊
人家樹底自成蹊
只應三月吳
松尾渚際維舟聽竹雞

懷呂君

三年不見呂高士
清夜時時夢見之
安得長風生
羽翼與君濯髮向咸池

邨居

疎梅雨橘花香寂
桐陰枕簟涼
恁底林間金
彈子枇杷都熟不知嘗

雙井院前小立

山色微茫好放船
秋蕖野水夕陽邊
西風更灑菰
蒲雨羨爾沙鷗自在眠

雪中折枇杷花寄吳寅夫

一作吳處士

雪中自折枇杷花
走寄城南處士家
明日雪晴定
相過兩株松下煮膏茶

三月廿日題所寓屋壁

梓樹花開破屋東鄰牆花信幾番風閉門睡起兼
旬雨春事依、是夢中

隣牆桂花盛開

扶疎桂樹隔隣牆時有飛花到石床起近南簷看
月色不須更炷水沉香

晚照軒偶題

南湖春水碧於天夢作沙鷗狎釣船綠樹拂簷風
雨急覺來依舊北牕眠

簷前幽鳥自相呼池上紅蕖映綠蒲五月夜涼如

八月一窓風雨夢南湖

聞竹枝歌因效其聲

鈿山湖影接松江橘葉青、柿葉黃要寫新詩寄
音信西風斷雁不成行

江流不住楚山青船到潯陽幾日程不忍寄將雙
淚去門前潮落又潮生

雅宜山舊名娜如山蓋虞道園所更然未若
娜如之名近古也施君宜之先隴在其處索

余賦詩因為竹枝歌二首遺之以復其舊焉
如如山頭松柏青
闔城外短長亭來山未久入
城太駐馬回看雲錦屏
如如山頭日欲西
採香徑裏竹雞啼
南朝千古繁
華地麋鹿蒿萊望眼迷

二月十五日雨作

風輕紅杏散餘霞
堤草青々莢欲花
寒食清明看
又近滿川烟雨亂
鳴蛙

贈墨生吳善

銅官山下白雲亭
澗底長松長茯苓
傳得潘生燒
墨法墨成持贈寫丹經

寄德常別駕

長洲東去有僧居
狂士來遊客雪初
欲覓故人張
別駕清貧猶苦出
無車
受爾作官清海濱
海濤嶺雪爛如銀
已占麥隴雙
岐秀漸有衣襦富
昔民

松陵

松陵原上望長洲
綠玉平鋪江水流
好取釀為千

玉山草堂雅集卷之九

倪瓚

三九

日酒大瓢酌月散煩憂

秋容軒

乍見芙蓉開滿樹更憐楊柳綠含風秋容好處無人會都在溟濛烟雨中

碧花翠蔓引牽牛蕨竹黃葵意更幽不用田疇三日雨已輸擺種十分秋

靈壁歌危四五峰枇杷細弱未成叢槿籬西面雲千畝牛背時聞一笛風

六月九日過以中野亭賦

荳苗引蔓已過簷荇葉團團菱葉尖兀坐野亭忘

日暮窻前竹影月纖纖

題高房山畫卷

屋邊昨夜春風起蔣芽荇葉生春水睡醒獨坐無人聲歷歷青山水光裏

吳仲圭山水

道人家住梅花村窻下松醪滿石尊醉後揮毫寫

山色嵐霏雲氣淡無痕

雲林小景圖

奉題首有題所畫三字

馮文仲自玉山來携
面畫雲林小景圖
復求題詩因用前
韻
憶昔歸舟雪浦濱松林
瑞草欲生春間拈逸筆
圖清思今日披圖似隔
塵依四庫本補

赤城霞暎神芝秀洞裡桃花不記春何似却將山
水脚鍾陵市上踏紅塵

題畫

南望銅官曉色新三株松下茅亭何當濯足臨
前澗坐石閒書相崔經

松瀑飛流到枕邊道人清坐不須弦青山點點白
雲外用意何曾讓鄭虔

嘉樹幽篁澗石隈當年曾此好懷開如今寂莫空
山裏誰復緘情折野梅

青山矗矗水舒舒相見郊原霽雨初絕似三高亭
上望人家依約樹扶疎

荆溪秋色圖為下震亨題

菴畫溪頭水明上人逸筆思縱橫雲山多少玄
暉句不道毫端函得成

言意

村氓報本妙蓮華供佛燒香汲井花獨有橋東白
石叟依然傾酒食蝦蟆

聽琴

玉山草堂雅集卷之九 倪瓚

久淫鄭衛亂吾耳忽復古初之雅音我思古人禁
忿慙用此養正而鈎深

醉後調張德機

博士今宵不用誇竹枝嫋、趁風斜莫煩更把官
奴燭且與狂吟野老家

西家飲酒不盡歡東家燈下坐團欒我儂自有一
壺酒不怕先生酒量寬

白石先生古貌古心輕財而重義寔生於吾
後之師令人寤寐不能忘但幽居默如潛逃

則殊令人憤、耳昨暮辱醉中詞翰讀之灑
然也因次韵希一咲

空宇寥、秋燕巢笑談誰與共遊遨南鄰雖有幽
貞士默、深潛如避逃

深感分嘗酒數罌醋雞聞勝駝蹄羹轟、烈、男
兒事莫使磨拖過此生

謝筆

陶泓思渴待陳玄對楮先生意未宣何似中書二
君至明窓脫帽一欣然

張外史素不善畫醉墨戲寫張洞奇石頗有
一種逸韵德明裝緝成卷走筆為賦

書畫不論工與拙顏公米帖豈圖傳君看外史寫
奇石醉墨依稀似米顛

題鄭所南蘭

秋風蘭蕙化為茅南國淒涼氣已消只有所南心
不改淚泉和墨寫離騷

寫晴梢并詩贈日章貞士

雨後空庭秋月明一枝牕影墨縱橫沈君雅有臨

池興蕭灑濡毫意自清

國寶照磨有平野軒在揚州城郭中今寓吳

十許年矣至正丙午九月十一日在開元寺

為寫此圖并詩以贈

雪筠霜木影差々平野風烟望遠時回首十年吳

苑夢揚州依約鬢成絲

昨日承蔬笋不托之供獲清言永日別後與

元舉牀陽携琴過普陀精舍相與盤礴林影

水光中而令子來始知從者散步韓墅橋急

遣一介往候則送者興盡已返矣經宿不向
旦來雷雨大作想惟動靜輕安昨見尊姐間
韭芥蒿菜之屬秀色粲然今日得雨必是苗
芽怒長更佳也况蒙許送久伺不見至戲作
小詩促之

韭芥抽苗鋪翠玉曉經雷雨更敷腴莫嗔措大眼
孔小乞取先生一餉餘

次潘匏齋韻題丹丘墨竹
柯公自比米顛子文采照耀青瑯玕只今耆舊凋

零盡剩得潘君瘦影寒

匏齋原韻詩曰丹丘寫竹師老可能寫倒影青
瑯玕張之草堂雪色壁壞葉蕭々煙雨寒

草堂雅集卷之十

玉山顧

瑛類編

鄭東

字季明温州平陽人幼酷嗜書明春秋後生學
徒為舉子業者一經指授皆就繩墨作文為詩
旨趣高遠別有文集行于時今所載者特與予
家題品者耳

題宋高宗畫扇頭自題云萬木雲深隱連山

雨未開

玉山草堂雅集卷之十 鄭東

多時海上日光催，猶道千山雨未開。
總被浮雲能障斷，龍沙不見翠華回。

題葛仙翁移家圖

多事携家向道塗，定從何處覓深居。
無人占得神仙氣，乞取青牛背上書。

題江貫道平遠圖

飛鳥欲沒暮烟稠，落落人家竹樹秋。
絕似南徐城上望，蒼茫野色入揚州。

題張戡瘦馬圖

北風蕭蕭沙草黃，天寒馬瘦骨如墻。
渾家兒女雕鞍上，日暮陰山射白狼。

題士宣杏花雙喜

移時山鳥鬪芳叢，深院佳人晝睡濃。
起立階頭驚碧草，不緣風雨落春紅。

題李唐牧牛圖

羨殺田翁不出村，牛羣坡上散如雲。
買牛何日同渠牧，短笛時吹向樹根。

懷舊

滄江樓上酒初醒起視林花落曉星三月到京春
雪霽太行山色馬前青

送鄧彥昭北遊

白面郎君好遠遊却從遼海上幽州十日南風行
萬里牽牛夜夜在檣頭

天妃祠前潮已生踏歌搥鼓送郎行黑水洋頭好

風色數過萊州五日程

莫聽謳歌倚柁樓令人愁怨憶南州一片姑蘇城
上月送郎直過界河頭

寄鄧熙仲兼簡鄧彥昭

翼也東吳彥孤標玉樹柯政須愁飲少且莫倚才
多曉日開青嶂秋風連白波無人相問訊小阮遠
如何

題報本寺

迢遞珠林滄海邊參差綠水石渠連燈明方丈開
猊座屏擁果愚護法筵天女時來花亂下龍君欲
至風冷然金相夜涼遙共禮月華長照寶階前

送何謙亨歸撫州

玉山草堂雅集卷之十

鄭東

二月離家作侯吏長江行船興有餘文采曾承盧
太史作敵風流不墮宋尚書豫章珎劍何由得東海明
珠政不虛多時失奉高堂饌歸釣寒潭一尺魚

和郭熙仲

每愛揚雄能作賦不憂賈誼易遭讒蒼鷹拂拭黃
金鉞駿馬光明白玉銜太乙頻來觀象帙麻姑相
許寄銀棧獨愧才名難並立見稱龍尾也非凡

寄呈梁承旨

太平天子重詞臣色爛宮袍寵澤新應對金鑿明

日月步趨玉署上星辰夜分執笏傳宣急晝永揮

毫草誥頻自愧不才頭已白秋風垂釣大江濱

贈墨生魏元德之京

昔年廣陵有魏翁隱居不出玉山中朝汲山下泉
暮采山上桐手操玉杵不計工一日煮糜三日春
墨成包以錦十重色如犀角堅如銅魏郎傳家墨
逾好我始得之始如至珎喜聞學士延閣開驅車欲
向都門道為君抱墨三歎息虞公日昏揭公老

贈筆生陳仲實

吳興老馮善擇毫擇毫入筆銛于刀近年揚陸亦
有法聲價直與馮齊高陳生後出奄三子射利肯
作庸工饗欣然為我開一束詎數豕鬣并狸毛纔
濡入手即圓熟揮灑不覺運腕勞野人得此殊快
意翰墨雖拙尤便操既不能寫虫魚疏又不喜書
虎^龍韜暮年但欲給^終生筆收拾遺史明誅褒顧無好
句相報荅且復浮以樽中醪氣酣耳熱秋風起江
山如助詩人豪

九龍山懷友

風雨兩鄉難縮地山窓時讀去年詩九龍何處雲
深淺一鴈不來人別離老樹引藤秋結子黃猿窺
果畫呼兒遙知句就無人解月落山靈墮淚時

題楚江清曉圖

樹碧江寒日出遲青山雲起亦多時幾人船屋綠
貪睡佳氣朝來竟不知

題朱澤民秣江獨釣圖

山川無微雲萬物繁可數長江秋氣至美人在中
渚涼風吹蘭舟木葉下如雨魴鯉豈必多書卷良

可咀初非與世殊聊以樂空屢

題張叔厚畫琵琶士女

蝦蟆陵下春風夢潯陽江頭秋月愁莫恠青衫容
易濕多情司馬雪盈頭

題馮文仲畫山水

六月涼風吹板扉蒼苔生滿釣魚磯人生抵死貪
微祿如此溪山不肖歸

題碩定之画墨竹

眼中得見珊瑚樹無乃佳人碧玉釵酒醒同誰步

清影不勝白露滿秋階

題王若水畫棘針野雉

雉于翔有燁其章隱而弗見於雉何傷雉于止翟
其尾雖離于棘於雉何耻雉于雉孰捫爾喙凡
民多言亦孔之疚

題從子倫畫梅花家鳧

池上花開如白雲碧波鵝鴨動成群擬開草檻供
垂釣日春晴共汝分

題范寬小雪山圖

玉山草堂雅集卷之十 鄭東

雪壓寒林萬木垂，經旬不與野人期。
塞驢借得如黃犢，猶怕山橋不敢騎。

題趙翰林苑花馬圖

昔共將軍戰陣間，髑髏濺血尚斑斑。
昆明池上教人洗，選入天家十二閑。

題趙翰林畫馬

大宛前日進龍媒，屹立天墀駿骨開。
黃帕瑤鞍纔卸却，鑾輿八月上都迴。

題管仲姬色竹圖

賜讌曾陪玉座旁，琅玕光彩映株房。
秋風此日愁無限，恰與蒼溪秌水長。

題李唐秋山圖

萬壑霜飛木葉丹，石橋流水暮生寒。
却疑二月天台裏，一路苑花照馬鞍。

題趙千里高士圖

題詩日，樹陰旁，不斷清風灑石床。
騎馬出門塵似海，百年都只為官忙。

送鄧彥昭歸吳中二首

玉山草堂雅集卷之十 鄭東

江清璧月出東垣良夜開樽脩竹園天馬何年漢
墀下鷄鷓此日魯城門豈求碧海珊瑚樹貪看炎
州茉莉盆定擬重來尋玉局容成洞裏與君論
外沙頭潮沒渚海壇廟前唱蠻歛政喜南風吹
五兩不愁落日轉檣烏鱖魚一尺恰上釣吳姬二
十獨當壚醉歌白雪誰能和擊碎筵中玉唾壺

送日本僧之京

萬里乘濤來絕海中朝冠蓋盡相知丹丘博士與
飲酒青城先生邀賦詩傳鉢底須歸故國把文遂

欲動京師絕於船上看春色二月官河水發時

題畫山水歌

君不見謝康樂短面一作鬚瘦如鶴作郡安能棄丘
壑又不見鴟夷子屬鏤蜚霜赤心死一棹三江入

烟水我生千載下酷愛古人心本野老仙縮地誰
得傳顛墨淋漓醉中灑幽樹意暝含雨朶山
頭青欲雲橫杠依約度深谷三里五里東西隣采

芝宜有高顏叟鹿皮之裘榭葉裙神仙有無不可
即香路斷桃花津何人相期過西麓牲肥酒熟

秋樂神祇知畊鋤及婚嫁廟堂黜陟那得聞扁舟
從何來盈載秋碧嵐光忽已斜日暮問家室熒
林隙燈火青雞黍家人具今夕終南相繼售卑
價才薄官微遭箠罵久知富貴成茹荼吾獨愛山
如食蔗家貧恰有買屐錢白髮漁郎許船借箕山
穎曲命吾駕百歲胡為墮機獲

題王若水梨花山鵲圖

穎

庭北梨花爛熳開一霎山鵲忽飛來人生有幾清
明節日日春風醉百迴

李元珪

字廷璧河東人端厚沉毅重然諾酷志讀書非
其人不苟與交書法如困學凡所寄詩章多為
好事者持去故所載不多云

感懷

異方久漂泊歲晚一作寄羈吳門感慨俯流水悠悠度朝
昏荆璞獻所知懷珉非有恩達人一顧顧至道千
古存富貴易追逐焉能效塵奔世態日已薄憂心
向誰論

秋暮

秋色已云暮天寒未授衣異鄉三載過倦客幾時
歸交漆唯君久論心見面稀題詩寄清隱江國雁
初飛

春日訪雲林隱君倪元鎮

往歲慕幽隱茲晨過一作適雲林倒屣荷主意下榻情何
深取琴為君彈唐虞有遺音感子曠達志滌我塵
煩襟雨過池草生窻虛松竹陰倚檻俯流水開軒
聽鳴琴芳荀集嘉燕酒至還自斟愛客長言別維

舟睇遙岑

自此行下闕十八
行依四庫本補

南昌諸郎立春次日邀飲江閣

置酒宴江閣濟濟皆郎官素心偶相愜氣味如芝
蘭東風奏微和晴雲靄林端美人歌白雪玉筍行
春盤馬知千里客共此一日懽夕陽下西麓徘徊
更凭闌

梁溪春暮寄范德原

三月梁溪上徘徊憶故人客留山館雨華落野橋
春愧我無兒子憐君有老親何時相對榻重與話

酸辛

梁溪留別虞彥高

野人情曠達志不在輕肥夜雨三更夢春江一棹
歸神駒難並駕鷲鳥不群飛老去纔聞道吾生漸
覺非

客海陵光孝寺秋深感懷二首簡盛克明

海陵蕭寺裏獨客感秋深只有君知己更無人聽
琴鶴鴿天共影促織夜偏吟回首南塘路凋殘楓
榭林

孤燈照無寐漂泊寄僧房蕙草零秋露莎雞啼夜
墻愁來嗟伯道老去憶馮唐曉把青銅鏡生憎鬢
底霜

次韻遊虎丘

寶剎近城郭峰從海湧來千人盤石側絕壁劍池
開聞道吳王塚今為釋氏臺古碑題木客陳迹幾
風埃

一日復一日

一日十日復一日百歲能消幾霍屐玉龍嘶斷東

溟波春風吹老南山石柳華著水流青萍琅玕弄
影生烁聲霓裳短衣尚堪舞鬪醜眼不再明竹
馬兒童誇疾走檀板梨園歌白首桑根陵谷號飢
狐一夜黃河向西吼芒碭山下赤龍子千古英雄
魂不死崆峒重揖廣成公笑我攜來亂紅紫義和
盡意驅長雲有酒誰酌田文君燕雀紛々戲鴻鵠
古人道義今無聞東家嬌娥怯春老曉鏡畫眉闔
新巧開屏自語夫容秋妾顏不似當時好一朝一
朝又一朝黃塵車馬長安橋簾衣藿食養心骨會

看鵬背摩青霄

冬日平江寄倪元鎮

玄文館裏逢君日剪燭傳杯夜話時寒月半牕親
下榻幽人滿坐共吟詩無兒守舍馮唐老有客分
金鮑昧知咫尺維舟空悵望封題聯為寄相思

雨中夜宿瓜洲江浦

春陰江浦易黃昏雨裏人家早閉門歸鴈雲間知
塞路過帆沙嘴帶潮痕遙瞻北固青山郭只隔南
淮綠水村野寺疎鐘到孤枕閒愁清夜與誰論

秋暮夜宿望亭

茆屋沿堤密掩扉官橋昏黑泊舩稀
守閔戎次明村陽隔岸漁燈照石磯
寒木盡隨溪雨落斷鴻猶趁野雲飛
蓬窓歌枕渾無寐倦聽人家夜搥衣

贈也速秘書載書歸文翁石室

一燈夢覺青藜杖長揖芸臺入四川
載書深歲石室裏卜居還近草堂邊
蜀臣漢士明日月文翁武侯相後先
江上載書歸萬里幽花楚草春

題梅花士女

夢裏尋香出曉城一聲殘角暗魂驚
美人不作羅浮夢獨倚梅花看月明

題文湖州湘中推篷圖

岳王樓前湖水邊離歌驚覺鷓鴣眠
生綃一幅秋雲亂又上江南客子船

江行看暮

江岸薔薇也自紅可憐夜雨落花叢
不知燕子知人意箇箇飛來近短篷

白鷗

幾箇白鷗真可愛碧波蕩漾即為家
尚江正喜中流急又上潮頭過淺沙

送趙季文之湖州知事

芙蓉幕裏舊參軍文采風流思不羣
執法憲庭名久著分符水部政多聞
今朝別酒聽吳曲後夜輕帆卸雪雲
咫尺相思相憶處一棹一宿獨隨君

張渥

字叔厚博學明經累舉不得志于有司
放意為詩章時用李龍眠法作白描前
無古人雖達顯

人不能以力致之

題所翁畫龍

我聞真龍神變化呼吸風雲齊上下
胡為却向九淵潛頷下驪珠光不夜
一朝帝勅鞭雷霆秘恠恍惚無逃形
蜿蜒千丈露頭角顛倒山嶽翻滄溟
乾坤瀕洞日為黑元氣淋漓收不得
願將點滴試天瓢草木晴光甦下國
龍兮龍兮汝為龍攀之不見追無踪
何當飛空附其尾手接鴻蒙窅元始

題金碧仙山圖

丹崖翠壁五雲間此是蓬萊第一山
笑指碧桃花發處玉鸞曾載月中還

題明雪窓蘭

援琴誰歎生空谷結佩應怜感逐臣
九畹斷魂招不得墨花夜泣楚江濱

題百禽噪虎圖

短草空山怒養威百禽驚噪向斜暉
寢皮食肉堪憐處且喜將軍出獵稀

題畫扇便面

一自蘭亭飛筆後昭陵風雨夜如何
當年老媪能知此扇出人間百價過

題王元章梅

照水疎花冰有暈橫窗瘦影玉無痕
孤山月冷黃昏後拄杖曾敲處士門

題趙翰林墨蘭

白鷗波點研池清楚畹香風筆底生
記得弁峰春雨後撥雲移種向南榮

題昭君出塞圖

黃沙漫海幽雲高
燕山雪凍春不毛
胡雛生長犍
如臯氈處肉食膽氣豪
角弓羽箭花紋刀
踴躍快馬騰飛
猱玄旗樹日驚霜
飈云是使者來漢朝
漢宮佳人顏色嬌
蛾眉顛顛髮無膏
手揮琵琶響擅槽
聲鳴咽寫鬱陶
穹廬不暖御夢勞
邊月長照非良宵
天寒賜着灰色貂
雙壺灑傾葡萄金門
玉殿心旌搖
長安烟水空迢迢
羣胡蹋歌喉
火燄自憐耳絕聞
蕭韶畫工受賂死
莫逃筆底妍醜移

分毫掖廷舊好恩
不交在胡雖恨寵
可要寧胡計失令
胡驕干戈萬里遺
腥臊廟堂老將蜀
錦袍玉帳坐爵麾
赤旄兜離碧眼滿
近郊鳳皇之穴
蟠蛇蛟北風動地
吹黃茅獨留青塚
狐狸號流魂千載
誰能招嗚呼流魂
千載誰能招

題了堂上人鍊雪軒

雪消成水固非異
煮水作雪真為奇
吾師悟此煎茶法
掬泉敲火須臨時
手搏清風弄明月
幻化不同滋味別
試看碗面乳浮花
濁惱消除置水錢
君

不見達摩面壁雪山中至今直指傳宗風又不見
玉川先生雄城裏軍將扣門日高起何似松風堂
上人不談九轉丹有神嗽瓊嚙玉詩清新鍊我真
液為玄津

李瓚

字子粲姑蘇人幼從元明余先生遊資性曠達
多才能讀書作文之暇旁通浮圖并漆園氏學
凡有題品若不經意而穎脫過人與余友善故
所寄尤多焉

遣興

客舍沙南蒲子岡流光愁思共微茫落林翠竹含
溪影小樹紅梅播楚芳解樂師襄方入海乘舟張
翰謾歸鄉不如却學南山牧叩角浩歌清夜長

立春奉寄海虞山人縵仲德十韻

歲星司淑氣天造立王春草出金茸細梅開玉蕊
新三陽仍及泰萬象始維屯綵勝皆題句金花亦
記辰至音聞木甲厚味列盤辛江海恩波濶山川
化日醅明時調玉燭聖德降絲綸之子當全盛行

歌就隱淪舉觴空顧影
伐木獨懷人
輾轉不能寢

春夜集諸奕友

海濱初宵夜
寥聞高林蕭條羣籟寂
悄悄微風吹
繡衣悠悠明月生
歌席諸君寸氣何卓犖
專心能繼奕
殊學旗壘還如事
攻掠黑白昭然見
強弱清宵玉漏何遲
笙歌滿座傾金卮
坐中賓客亦皆醉
霜落西樓烏夜啼

春原

林樾風初協
村原泥正融
香蕪連埜碧
冶杏過墻紅
塞鴈歸天末
巴鶯出谷中
宵光濃若酒
歡賞興何窮

春初奉寄海虞山北聲九臯上人

杖錫虞山北
春風憶舊遊
翠屋雲每集
丹壑水爭流
染翰超懷素
哦詩繼惠休
何當上湖夜
相與汎扁舟

柳枝詞

吳江綠水生
宵明江上柳
枝今漸青
栖烏啞
中

夜鳴愁絕東風長短亭柳枝當戶森成束思婦正
倚闌干曲別情有恨不可解萬里相思淚盈掬愁
多不織流黃機織得迴文更惜悽功名悞人不足
恃藁砧藁砧何日歸

春夜懷豫章倪中愷并太原王本中二子皆
客京師故詩及之

耿々宵夜永迢々更漏殘美人隔千里清月在江
關舉柝不能樂援琴孰為歡悵望五雲外目送雙
飛翰王子經緯學袖澤茫無端倪生富文史落筆

迴狂瀾古劍沒豐城大璞昧荆山竒材每不識萬
古一長歎而我困猷猷漂流吳楚間釜魚獨恒飢
衣鷄每懷單慷慨念二子頻年事征鞍庶幾抱琴
志不愧齊門彈

題倪元鎮聽松樓

昔者貞白隋梁間躬行道德謝累塵隱居獨在華
陽山好聽松聲白雲外冷然虛籟何蕭々刁々清
聲雜調調宛如王母搖玉珮想象子晉吹笙簫我
亦從來愛幽險羨子結構尤高遠巧言如簧獨不

聞絕愛蒼髯鳴翠巘春林夜起颼颼聲天風海濤
來青冥幾時相過一洗耳醉中同躡鳳凰翎

荀草曲

春風百艸生何許伊流之洲澧之浦荃蘅蘭蕙與
芳杜馨香采色紛無數鷓鴣先鳴衆芳舉萬綠如
煙花欲語王孫遊子去湘楚蘼蕪開謝山之作阻左春
草無情獨苦別離恨深乃終古春草生淚如雨

江浦送別

協風吹冰泮水色微茫綠沙融文禽集波暖白鷗

浴之子逝將別分手愁局促離觴一何頻征舸嗟
去速今日江浦東明朝關山北棹歌不堪聞悽然
淚盈掬

歸鴻曲

高秋鴻雁來仲荀鴻雁歸關河道路遠沙場聲韻
悲去季曾寄帛書去迴文織就相思白藁砧遠在
邊城戍高樓不見絕心緒愁多別久淚闌干何日
歸來再合歡一聽歸鴻一生怨揚子江南春雨寒

關河柳

關河春初官柳青上有栖鳥啞、鳴千樹萬樹恨
如織水遠山長無限情柳絲忽換黃金色當時憶
送遊俠客去年驚心揚子南今年又恨沙場北關
河柳管別離、人一去何時歸折枝千里寄相思
失題

蘇公昔在宋盛時文采才名動天地暮年築居向
滄浪草聖相傳世尤貴積書為林墨為池長歌散
髮髻如絲風流百歲不泯滅及此士論無磷淄憶
昔嘗為吳下客刺船携酒訪陳迹却思重游不可

得臨風悽然念疇昔

遣興

遲、當麗日冉、及陽翳草色連烟翠柳條垂麴
塵哦詩紅杏館漉酒白綸巾欲寫江淹賦悽然寄
遠人

鬢絲行

君不見少年雙髻如青絲骨骼磊砢凌雲姿金鞍
玉勒五陵道桓、意氣不可羈功名未成淹歲月
短影蕭條如白雪忽然不知老將至滿目塵埃仍

汨沒人生百年寧有待富貴功名豈長在何如日
飲金樽酒醉學山公畏倒載

雉朝飛

仲春風日生淋氣畦麥青、與天際一飲一啄性
所同時哉時哉雙飛雉雄唱于前神不驚彼雌後
隨相和鳴雄雌顧盼各得意牧犢對此能無情人
倫久廢禮義缺夫婦息情易懸絕千年惟有杞梁
妻生則異室死同穴

擊楫行

日華悠々江色清碧波萬里生膏明商婦琵琶別
怨生擊楫渡江舟正行美人美人既無情澧蘭沅
芷揚芳馨欲見不見心怛々輕風吹羅裳擊楫且
匆忙恐驚菰蒲中交頸凌鴛鴦莫學桃根與莢葉
渡江一公音信絕江上尚來復春去對此流光淡
盈睫

牡丹一章奉寄玉山公子

卷南亭館春風樹魏紫姚黃取次開翠影當窓林
影麗紅雲繞坐國香來凝酥暖汎金壺釀羣玉晴

籠錦幃埃洎外何能夸芍藥番禺自足媿玫瑰竟
須高晏煩燕女左手持花右酒杯

暮春二絕句

水生澤國徂春暮倚杖汀洲立惠風千樹莢花紅
雨落滿林竹笋綠陰濃

牡丹滿楹紅於錦柳絮隨風白勝綿何日扁舟釣
湖上滄波深處一絲煙

戴勝吟

江皋春暖桑盈野三農耦耕蠶事舉嗟爾戴勝胡

為來乃有鳴聲驚織婦戴勝來降于桑采々麗羽
何清揚天時月令仍相當茲禽一鳴穀雨至農人
聞之興耒耜蠶成繅絲秧及蒔

種葵

種葵南軒下葵長不盈尺芄々初葉茂挺々交柯
直匪以花為美有取心向日孤忠類類臣子恒性若
有德只恐秋風至蘭蕙同蕭瑟雖然遇彫落凡草

孰可匹

柳花

澤國春餘江樹盡柳花無數沒鳧翁每當白日飛
晴雪似與游絲逐惠風灞上啼鶯孤驛外隋堤歸
馬夕陽中離人欲折還驚歎空對柔條恨不窮

袁南宮江西歸吳門隱居短句奉寄

江國徂春暮蘭若生惠風佳人天之末高隱林泉
中有懷不能伸愁思眇無窮朱絃發清響大律振
黃鐘依閭門柳杳塞北鴻永言寄歌詩用以
慰幽悰

搏熊婦

關西幼婦如花容乃有猛力能搏熊徒手搏熊
力窮神色不變如英雄嗟熊之力猛于虎初若恃
強欺幼嬪一市見之皆為驚玉腕朱顏那好武君
不聞昔之猛虎嘗岨負馮婦攘臂而下車千炷萬
古稱善士嗟嬪固與常人殊

芍藥

惠風吹芍藥爛熳亞雕闌綠葉生春末紅葩粲木
端穠蕊空媿報治杏亦凋殘准擬攜壺酒開軒醉

玉顏

春半

水國尚將半叢篁，暎白沙簷楹。皆燕雀經，銜術接桑
麻。吟嘯分江色，登臨愛日華。何當學鄭子，谷口問
山家。

李簡

字士廉，廬陵人。僑居吳之崑山，操守端方，文學
優贍，好古尚雅。旁通陰陽家書，與予相去無一
舍。然多居錫山，故其詩不多云。

次唐本初韻

總道周南多滯留，寡杜曲可真遊。駐顏無復青
精，飮取醉能踈。葉玉舟獨鴈，叫雲天拍水。斷鐘送
晚月，當樓庾。卽此夕懷同賦，一發商聲報荅秋。

秋興

黃落山川秋氣高，一聲白雁過江皋。西風芳篁收
團扇，涼月重簾落剪刀。倦志已孤紅叱撥，牽情何
事紫檀槽。吳霜易點青鬢，聞道當年記得牢。

表泰

字仲長，吳郡人。父易，字通甫，以詩名。有靜春集。

行于世而伸長與予交尤密云

秋夜書懷

夜永月未出星河爛盈門商飈振高梧下有羣虫
喧切々促機織依々如訴言炎蒸未云幾涼思彌
乾坤驚心節物換撫事中襟煩但見川水流莫知
塵土昏朱顏自茲異白髮亦已繁禾苗布東塍果
樹列西園栽培雖異地生成本同根華實各有待
凋零性長存君看碩大瓜遺蔓仍籬藩
送幹勒允常赴秘書監典簿

石渠天祿秘藏初錦帕牙籤御覽餘顧問有時勞
檢閱崇文無日倦收儲千年汗竹傳科斗四庫芸
香辟蠹魚承詔定來東觀讀青藜偏照卯金書
唐元

字本初姑蘇人讀書博雅有船號一葦杭圖書
古玩列離左右浮游江湖日哦詩其中自號葦
杭子每過予溪上必繫舟柳下終日談笑

虞山秋夜

迢々秋夜長青燈半明滅棲鵲遠踈枝濕螢依腐

葉谷虛振幽響室靜生虛白
數聲誰家笛吹墮西
牕月

東臯

喧晨出東臯
宵風襲杖屨
溪流帶落花
晴烟裊飛絮
濯足竹邊泉
散策松下路
幽禽忽驚起
飛過溪南樹
林深疑無人
俄聞響機杼

顧盟

字仲贄
甬東人
高才好學
館于杞菊軒
此詩因

李月璧所寄云

賦翠微

倚山為宅似城闈
耕鑿懸知可療貧
政想綠陰當甕牖
但愁翠雨濕綸巾
投林鼠雀終無角
出谷峰巒半似人
濁世無憂惟隱者
願分藜藿老天民

送樊仲宜

樊郎昔補太常掾
郊祀通天致敬時
先過果臝張鼓樂
一作復送鹵簿建旌旗
頒宣即用金書刻
讀祝還令玉板持
今日江南見樵者
命渠歌作贈行詩

送謝子方歸臨川

玉山草堂雅集卷之十

顧盟

連雨淋浪不耐殊江行已試木棉裘侍中無夢思
通籍肘後有書能校讐身坐米船歌灌口眼明瀑
布是江州到家先謁虞夫子定作芝亭一月留

寄學可二首

九龍之山第幾峰曾看飛雪下長松小樓日夜聽
春雨忘却溪頭尋暮鐘

石上一杯清冷水傳是若冰小洞天借渠茗器登
山去春雪正與梅爭妍

次韻楊廉夫治春口號

姑蘇城北苑花塢日、敲門太問商自是狂夫被
花惱求之不得亦愁人
醉舞花前倒接羅雙、燕子共差池留連只恐春
光暮芳露濕衣人不知

石湖春水如酒濃玻璃萬頃開龍宮我時舟泛過
湖曲無數苑花發舊叢

近得玄洲食玉法不用采石登昆侖景純解道遊
仙句海上鶴來傳到門

江城雪夜深一尺欲問梅花馬不前袁生此時正

高卧不知春江有釣船

玉壺春酒碧於海客至縱飲寧傷廉已無俗事惱
真趣只有清香散瑤奩

綠暈雙蛾新畫眉風流堪賦比紅兒繡窓無人解
春意行傍辛夷折柳枝

吳姬殷勤折簡呼青錦坐褥花中敷聽唱梨園供
奉曲新聲一串驪龍珠

昂吉

字啟文西夏人登戊子進士榜受紹興錄事叅

軍多留吳中時扁舟過余草堂其為人廉謹寡
言笑非獨述作可稱其行尤足尚也

樂府二章送吳景良

吳門柳東風歲歲離人手千人萬人於此別長條
短條那忍折送君更折青柳枝莫學柳花如雪飛
思君歸來與君期但願柳色如君衣

採葉上蓮吳姬蕩槳雲滿船紅粧避人隔花笑
一生自倚如花妍低頭更採葉上蓮錦雲繞指香
風傳殷勤裁縫作蓮幕為君高掛黃堂邊待君日

日來周旋

姑蘇臺送友人之京師

送君姑蘇臺，前日落雲帆。吳王宮殿已塵土，
且復飲我黃金壘。吳王晏時花滿屋，半酣西施倚
蘭曲。越兵一夜渡江來，從此荒臺走麋鹿。典君弔
古登高臺，青天萬里雲飛回。願君乘雲上天去，思
君偏倚臺前樹。

虎丘山送友人

別君虎丘山，歸雲如鷗。松樹間生公，聚石坐說法。

白虎臺前去復還，至今臺下金精伏。清氣蕭蕭滿
林谷，城中之人豈解事。但見寒泉繞岩木，君行慎
勿停。吳舫修名要與山，齊高酒酣君去我。亦別後
夜山頭望明月。

王禕

字子充，金華人。晉卿黃先生門人，與天台陳敬
初遊京師，為朝貴所重。赴鄉薦，歸江南，始與定
交。昔過草堂，觴詠累日。吳中習舉業者多從之。
贈別周季長舍人赴淮西帥幕。

昔昔紫綬侍雲霄今日商風換綠袍
閫幕共誇從事重朝班猶憶舍人高
衣冠望族如麟趾伯仲文名比鳳毛
回首京華寧久別看君辭采暎東曹

留別京師諸同志

京都冠蓋盡才賢兩載追隨得後先
朱履食魚春日上褐衣騎馬朔風前
蘇公去蜀八千里杜子客京三十年
從古辛勤有名譽却慚蚤賦式微篇

吳江客中冬至日

十年奔走竟何為轉覺謀生事
非時序每驚愁裏換家山長向夢中歸
吳江歲晚寒波積楚塞天空鴻鴈
稀酒後登樓倍惆悵緇塵猶滿舊征衣

桐廬舟中

瀟洒溪山夢此邦輕風細雨過桐江
川迴幾訝船無路林缺時看屋有窓
野果青包垂箇箇水禽白羽太雙雙
到家會值重陽節新釀村醅正滿缸

寄題葛伯溫憲郎文窗十四韻

中州勝概說彭城戲馬臺高俯大坳
汴水北交河水濁淮山南入楚山青
百年故老遺文氣今代奇

才尚德馨喬木依、臨卷陌世家隱、見門屏未
妨仲蔚蓬生堵政喜漁溪草滿庭雨案芸香尚辟
蠹風檐竹暗夜藏螢圖書留意年華蚤燈火關心
夢寐醒劉向漫登天祿閣揚雄自著太玄經常時
下榻來今雨幾載驅車送使星浙水東西迂逸足
雲霄上下振修翎寸名要使囊穿穎官業懸知力
發矧亦有倦遊天上客過從何日話飄零

夜坐擬古

新月如弓彎流星如箭長惜哉弓不弦况乃箭無

鏑借問羽林軍何以射天狼

織女居河西河東住牽牛奈此一水隔數會曾無
由精衛勿填海為我填河流

禽言次王季野

力作、人言田家樂誰識田家苦養蠶一百筐
種田一百畝田蚕非無收不了輸官府但願官府
不我虧田家力作非所辭

行不得哥軋坤滿眼終干戈荆湖骨如山江淮血
成河道路斷絕可奈何君行將何之欲投遼東去


却向海上過行不得哥海水能可測只今平地皆
風波

荆樹曲

紫荆樹當軒青衆枝只共一本生去年風吹北枝
損憔悴南枝顏色隕北枝今歲喜如前南枝顏色
皆鮮、樹木無枝寧有意同本故應休戚意君不
見莖生露井上李樹生桃旁虫來噬莖根李樹代
桃僵桃李異根尚如是况此一本相連理人家兄
弟無則已若有還須荆樹比

江上曲

木蘭船繫門前樹阿郎今朝棹船去、時爲問歸
幾時約道歸時日須暮江上風水不可期日暮不
知歸不歸



天
朝
國

不
管
國

